

永昌縣志

清嘉慶二十一年修
民國七年重印

永昌縣志序

丙子春余安研於雲川書院南斗虫先生以所為永昌志八卷來曰邑開自漢蓋云舊矣其間陷復無常至元粗定故文獻僅存遠者恒闕以其取材自近故事少而集隘尤志之小者也余謂志以傳信與其微引附會博古是矜毋寧近守之確以當矧自元迄今幾六百歲不可謂非遠也凡郡國之籍以縣志為其權輿帙雖不豐所關大也願其紀載何如耳謹受而讀之既竟見其結構謹嚴叙論簡核殆參之太史以著其潔者乎特邑之老成紳士僉為余言先生景仰前徽網羅散失自歸田十年來搜覽殘編斷碣偶得其人一二事實如拱璧輒為立傳有明人物較增於原志者以此其於當代則廣採詳質

永昌縣志

序

進退惟公而已不與譽謗罔知焉至若一統志所列方輿多與舊史不合致滋眾議是又未可率爾者先生於沿革古蹟之類既參稽往策復詣勘其道形勢務窺廬山真面其用心有如此然自余綜觀之各卷皆逐字稱量而出銖兩不與匪第如所云然也嘗翻閱官師篇知永故無志明萬歷間揮僉南公魁與揮同趙公光遠倡而為之揮僉公即先生之六世祖也夫龍門一書父子繼軌今其祖創始於前曠數代而孫擴於後亦豈偶然哉故綴教語而為之序

嘉慶二十一年丙子孟夏中浣

賜進士出身吏部觀政蘭山後學黃在中謹撰並書

永昌縣志序

志者即古列國之史永為漢縣而志始於明萬曆間草創焉爾其附在郡志者較備乾隆己巳憲副張治齋先生所定也而邑無專刻逮甲辰續而梓之主議者李邑侯章齋余叨搦管旋以義例未當遂緝其版令三十載矣頃鄉君子復商及此不禁瞿然曰可再誤耶自揣識闇不克辨是非弁鄙之胸又不足以徵文而攷獻矧志闕得失寓諷勸有人所欲言非志之所得言亦有志所得言非余之所敢言以地著之人預掌故之務直道為公良不易耳且合纂之難也將併前後為一編有所因必有所損益昔扶風漢書易遷八書為十志若劉項功臣諸紀傳於舊文間經點竄論者且不能無譏倘以不敏從茲

永昌縣志

序

一

役僭踰之愆當復奚似哉辭弗獲已因思襟遼自安是固其分然自己巳至今幾七十年土會盈虛民生愉戚以及人材之消長政治之利病竟等於煙雲變滅致後之人罔所徵信咎將誰歸爰與鄉邑老成廣搜博採有所得焉則書久之寸牋尺幅壁戶皆滿迺裒焉地理建置水利兵防官師人物選舉藝文總目凡八其據古證今毫無參以己意者事其隨筆發揮而不盡襲前人者詞詞以詳事毋偽而誣此邑之志非余之志也我永當西域通衢凡建節使者輪蹄所至與夫遊人携屐豪客停驂送送披覽邑乘用規風景是誠未足辱觀所冀永之人家置一冊得曉然於鄉國情形習尚臧否庶有裨乎抑或琴室公餘俯垂流覽而加之釐訂則又幸甚

嘉慶二十年仲夏上澣斗蟲南濟漢謹序

永昌縣志

序

二

縣域圖

永昌縣志

圖





圖
書
傳
覽

縣治圖

永昌縣志

圖

二



修志凡例

一志先辨類舊志堡寨橋梁概附地理是編移入建置指揮千百戶等職分載選舉茲統列于官師如此者頗多風俗專為一冊今併入地理而水利另編以其所關者重故叙較詳也要有所本非敢矯異

一往事如沿革古蹟及官師人物中有改訂者有增入者皆稽諸史冊採諸金石與其家來或父老之口期于毋誤毋漏而已

一邇採節義悉與鄰近老成再三質証必僉曰可然後叙入間有出以已意者皆確然共信非阿好也其或山深壤僻聞見難周則俟諸異日

永昌縣志

凡例

一官評去後而定鄉評則歿後而定至于貞操匪世隱德高年者不拘此例

一志尚簡明毋庸辭費茲于每卷標首弁以總冒用存古體至各條之前有當推原者間綴數語否則無之後論亦然不盡歸于一律

一後人誣稱先代昔賢深斥迥若祖父有嘉懿以子孫操筆而顧軼之亦未為安然終嫌涉于私是編所列皆舊志已載者餘不具錄

永昌縣志目次

卷一地理

疆域 沿革 山川 星野 風俗 祥異 戶口 土田
賦則 徭役 方產

卷二建置志

城池 官署 學校 廟祠 壇壝 倉廩 驛塘 演武
書院 義學 寺觀 粥廠 養濟 市鎮 堡寨 橋梁
古蹟 墓

卷三水利志

山水 泉水 釋名 工作 灌略 董事

永昌縣志

目次

一

卷四兵防志

營制 關隘 兵馬 糧餉 軍械 烽墩

卷五官師志

藩封 鎮守 指揮 教授 知縣 典史 教諭 叅將
副將

卷六人物志

文蹟 武功 忠孝 義行 節烈 耆壽 流寓

卷七選舉志

進士 舉人 貢生 軍功 掾吏 武進士 武舉 將材
封贈

卷八藝文志

記詩

永昌縣志

目次

二

永昌縣志卷之一

邑人南濟漢纂輯

勾鍾瑞
閻英
王國賓
南崇
全校

地理志

邑當涼郡右衝故稱要隘地理務亟講也疆域攸畫沿革繫之環以山川應乎星野其間沃瘠殊俗移易在人固守王者之責而鄉士大夫顧可不身為先與紀祥異以備觀省洎戶口土田賦役物產均以類從尹釐茲土者將有所攷焉

疆域永昌南北多高山深壑東西平行為萬里通衢封疆之限自作

永昌縣志

卷一

一

邑以來未之有改也總計全境廣袤六百餘里縣治在涼州府西一百六十里東至柔遠驛武威界七十里西至古城寨山丹界八十五里南至酸茨河接大通河界一百七十里北至昌寧湖鎮番界一百九十里東南至炭山堡武威界七十里西南至白石崖山丹界九十里東北至蔡旗堡鎮番界一百八十里西北至石硤口山丹界一百一十里東至蘭州府省城七百二十里由陝西達

京師五千二百八十里

沿革邑本戎落禹貢西戎即叙是也秦穆公時為小月氏國其後匈奴長休屠據之漢武帝元狩二年昆邪殺休屠以眾降元鼎六年即休屠故地置鸞鳥縣隸武威郡此立縣之始東漢更名顯美初屬張



掖郡繼屬武威郡晉武惠時仍顯美縣懷帝永嘉五年依馬支山改置馬支縣附武興郡北魏仍名馬支改屬番禾郡隋開皇中廢併入武威唐中宗龍神二年于漢故鸞鳥城置嘉麟縣景龍三年省先天二年復置開元十六年以赤水守捉更置大斗軍天寶末陷于吐蕃越五代未克平宋興吐蕃遠遁太宗至道二年復唐舊置名嘉麟縣隸西涼府西涼即武威郡也景德中為西夏李元昊所據偽置永州元滅西夏世祖至元十五年置永昌路封王領之降西涼府為州隸焉此稱永昌之始明洪武二十五年置永昌衛立前後左右中五所隸陝西行都司我

朝雍正三年改為永昌縣隸涼州府

永昌縣志

卷一

二

山川出雲雨以生物故祀典不廢而功德所施厥有大小其景趣亦殊茲品第而列之山無弗載至流之細者詳見水利

天山直南一百八十里羗人呼天為祁連故又名祁連山漢霍嫫姚擊敗匈奴至此而還唐薛將軍三箭所定當在湟中舊志引之未確是山綿亘數千里終古積雪大為溉田之資

鸞鳥山在縣西南一百八十里相傳漢時有鸞棲其上故名山亦以名縣其距縣一百五十里曰平羗山為土蕃出入門戶又一百四十里曰腦兒山腦兒華言水也三山銜接積雪融流耕者利之

金山城北二十里晉武帝泰始中禿髮樹機能敗涼州刺史蘇愉于此隆安中沮渠蒙遜既拔臨松遂據茲山蓋昔屯軍地也生煤炭附

近居民賴以代薪又出陶器其產與正西七十里之紅山同
焉支山在西八十里匈奴歌云失我焉支山使我婦女無顏色一作
燕支胭脂者非攷匈奴稱妻曰關氏音與焉支同歌意殆取此與產
藥數十種大黃尤多且良故亦曰大黃山又名青松山向多松今樵
採殆盡

東南七十里曰雲莊山其麓近河雲氣滃鬱因名上多松始植傳為
晉僧摩阿北巖有石房中有石榻其故居也佛寺道觀高下參差雖
鮮壯麗而幽潔可玩盤道有石斜與寺對天然一碑爰鐫松雲湧翠
四字以顏之東距十里為石佛崖亦佳境也

東崗距城十里蜿蜒一帶夕陽獨多若晴霞若野燒然

東北七十里有洞居山之半一巒前蔽如屏中供石像曰孩母足下
生甘泉羣人多就飲之謂能已疴凡禱嗣者恒于斯

獅山東北二十五里山趾餘凸蹲伏道側望之宛然獅也少西為馬
蹄坂其上馬跡重沓車騎踐摩之歲久猶是俗以為神駿所遺非也
按壽州安臺石上有人馬跡蓋本然耳又西為馬鞍山亦頗髣髴

東北之山名石燕者距縣二十五里谷中產石如燕人謂當風而飛
或有之三十里曰如邨山石多墳起如北邨下六十里曰青山晴巒
滴翠若新出沐

筆峰山東南四十里三峰聳峙若筆紆折而下曰照面山雨後嵐光
逼堞由城東隅望之青如撲面雪霽尤佳

武當山在城北五里以巔供真武名也自下而上殿宇相聯頗足遊覽

金呂山在西北三十五里地稱阨塞其距縣六十里有盤道山者烏道一綫迴旋而上是亦險鎮

摩天嶺在南七十里孤峰入雲最為陡絕西南二十五里曰橫梁山又十五里曰饅頭山兩山斜峙其間村落相望錯若齒牙

單子山起自永寧堡北尾抵馬鞍距縣一百二十里

轉澗口東南距縣三十五里其水為天山蓄雪所化又有衆泉引之由東水關出數折入澗迤行十餘里九壩分焉

可可河在西南二百里流經鸞鳥平羌腦兒都山下諸山之水與會

自西水關出又名考來河即大河口也分五壩

金川源出城北藥葫蘆馬家諸泉紫阡絡陌歷二十里許匯入破中至營盤坡下瓜分之蓋北境之利斯為溥矣

海子 在城北二里注以藥葫蘆等泉之水其色青凝四時不改多魚宜戒網罟

雲川城西二十五里即水磨川為衆泉所歸清澄見底雲光與之激盪利漑功多

茨湖東北一百三十里烏牛壩水所從出迺下十堡膏液之勝者南峪直南五十里石扇雙屹怒濤驚流嘗有神物出其間每盛夏暴漲及泛寒冰裂人謂起蛟云

星野攷星經東壁二星主圖書文章春夏金秋冬土一名天術蘭涼
衛州等分也與晉天文志武威入東壁六度之說同永昌去武威一
百六十里應為壁星分野其占星明則道術興國多君子搖動則興
土工

風俗永人負氣好剛不事奔競舊志稱之家無巨富而事揮霍達達
千金之產吉山一二舉已盡今不復然蓋饑饉叠告困不能支者什
之八九矣恒人貴口賤體卒歲無褐而嗜酒肉爨且屢虛毋乃愚甚
日食率用麥人需四鬴米則二鬴已足近因糶食頗易所向知節然
後益也居無畫棟雕梁間務為大獨不見渠渠之屋適年半為鄰封
輿去而蓬華無恙耶夫莫重於殖生矧瘠薄之區不比豐沃鑿其敝

永昌縣志

卷一

五

而亟反之庶家有蓋城禮讓行焉邑舊多鄉塾尚絃誦比者州試童
子寡如豈以歲屢不登未遑此與抑業弓矢者眾與諸生鮮力學大
率惟貧是病嘗聞之先輩曰讀書發名成業次亦可資溫飽旨哉斯
言環堵中尚歌聲出金石乎至若不才子弟治遊暴珍所賴官警師
規而父兄之教宜先也

冠禮不行久矣婚古禮有六朱文公所定惟納采納幣親迎三節今
媒妁既通遂行定即納采也將娶筮吉先期送衣飾謂之過禮即納
幣厚薄稱其家從無言財親迎不奠雁以物弗備自曩若宴會流連
通止二三日嫁女隘無過盛其返樸之漸乎喪禮初歿招以衣曰復
即招魂無行之者迺延僧道為開路以速其往大非含殮哭奠如禮

成服以五日或七日七日朝夕有男女出門外號哭焚紙錢者舊志
斥為委巷之風宜亟黜之先年富家為吊客散孝無論親疎或帽或
衫耗財而違禮令已希矣小祥大祥禫制均依朱子所定無停柩之
習葬地遵程子避五患不惑于堪輿家言但有隙輒葬或至塋間無
餘土方之居室亦未為安祭則士大夫家四時忌日俗節祝文公禮
雖未備猶不甚遠通行者元旦前一日設畫像既夕焚錢黎明陳饌
奠醴祭墓則寒食加上于塚七月十五具羊牲獻瓜果多有搭棚設
帳竟日乃已十月初一送紙衣除日奉羊食無貴賤貧富一也獨祠
堂久闕薦紳當倡修之至于歲時儀節有可採者元日祀先後家之
卑幼以次拜尊長凡親識皆拜賀卑幼先至尊長將答之則辭已而

會飲先族及里黨端陽中秋冬至惟紳士拜賀及弟子于其先生而
已歲農功畢村寨間陳牲演劇祭八蜡有古風焉惟逢神誕日于正
社外紛然釀錢割羊以獻實則酒食徵逐是宜省也

祥異書紀嘉禾是稱上瑞在人則孝弟力田各勤職業足宣地氣而
揚天和偶遇非異凡達理矜耆躬先里校弛其豫樂汰其侈靡俾咸
休然知戒寧第責之長吏已耶

漢建武二十五年蝗

漢安二年自秋九月至十二月地凡百八十震山谷崩裂

晉甯元年七月蝗

北魏景明二年十一月辛卯雷七發聲

貞元十年十月甘露降

五代晉天福七年四月蝗

明崇禎十一年蝗食禾殆盡

崇禎十三年大無麥禾

國朝康熙二十五年春大雪連月歲大稔

康熙四十八年九月十二日地震如雷

雍正五年大稔

乾隆二十八年無麥餓殍相枕于路

乾隆四十九年十月東郊民園梨杏徧開花

嘉慶十六年饑七月大疫至始已

永昌縣志

卷一

七

嘉慶十七年大饑

戶口邑舊為軍籍元季明初幾盡于兵革所稱土著十餘族而已正統間檄招遠氓各省多挈眷來者他若賈客屯丁及世襲指揮等官率隸焉然其寥落可想見也逮

國朝休養生息于今為盛既庶而議加可不亟哉

康熙六十年戶三千三百七十六口二萬五千八百三十七至雍正十三年戶五千六百八十五口三萬九千八百三十七至乾隆十四年戶七千九百二十五口五萬四千五百五十四至乾隆五十年戶二萬二千八百四十二口十九萬七千二百二十六至嘉慶十九年戶三萬三千五百六十三口男女大小共二十五萬九千三百三十八

土田非不廣也亦非盡磽瘠也其水所至而可耕者止什之六是以一歲之產不足以供一邑常借資于鄰壤倘來糶者少則支絀矣原額屯科地五千四百八十四頃六十畝九分五釐除歷年冲壓地外實計熟地三千六百八十八頃三十四畝四分九釐析為三等上則地一百五十八頃二十八畝七分中則地一千七百四十二頃三十一畝一分下則地一千七百八十七頃八十一畝六分九釐賦則夏書紀貢由來舊矣適年豁減緩徵

皇恩疊沛耕鑿之氓無論歲收豐歉惟正是供既號良百姓亦免追呼雖囊橐無餘可樂也

上則地每畝徵糧五升中則徵三升下則徵一升五合及一升三合

不等實徵倉斗正糧八千一百四十四石九斗五升四合五勺外加無地學水糧三百三十三石七升共實徵糧八千四百七十八石二升四合五勺每石加耗一斗五升實徵耗羨糧一千二百七十一石七斗三合五勺計正耗共實徵糧九千七百四十九石七斗二升八合

原額應徵七勛正草二十七萬一千九十一束四分一釐除冲壓地畝緩徵外實徵草二十萬六千三百五十六束二分二釐學水止徵糧無草

實徵地丁銀一百三十一兩四錢一分五釐內有地租銀一十二兩實徵耗羨銀一十九兩七錢一分二釐共徵地丁正耗銀一百五十

一兩一錢二分七釐

雜支廩生二十名共支餼糧七十九石九斗九升二合遇閏則加六石六斗六升六合每石藩庫折銀一兩

學租糧三百三十三石七升府學廩貧生分食三十石縣學廩貧分三百三石七升餘不悉載

徭役邑衝故差繁東接沙河西抵硤口計程又遙勢不能不資民間車馬然以武山承糧數萬石所支之差而令承糧八十餘石之永昌肩其任蓋極難矣所有新疆使節本省星輅與夫回目往來銀茶靴運以及改遣軍犯等項業已疲于奔命此外以情應者復不少焉夫入之情民之力也積輕折軸其何能堪且差期尚遠催令夫馬在城

永昌縣志


卷一

九

守候大率一二十日始竣一差其需芻糧幾何其曠農務幾何富者尚能旁僱強者亦可爭先獨貧弱之戶有聽胥役發遣而已賢令勵精保赤站馬如額派無取盈是以民力尚寬迺九年來則不盡然仁人父母知必哀憐而拯恤之

方產先王辨土地川澤邱陵衍沃原隰之所宜列諸職方以經理天下折而一邑寧獨不然永之穀有黍糜大小麥豆別豌豆扁黑黃與蕎俱播青稞亦麥屬蚤收而植少以性味較下也作酒最宜胡麻取油頗為農商之利蔬之美者西鄉蘿蔔大可重二十觔食之益人與薯蕷比山產蘑菇白色尤美瓜用哈密種出寧遠邊境者佳果具常品木則榆楊為多松柏昔徧南谷今稀草推箕筴可為筐席近織涼冠

亦可戴所謂雖有絲麻不棄菅蒯者耶花稱六月菊藥材甚夥惟狗
杞大黃多且良鹿茸麝香牛黃間有之羽族家皆恒畜在野者鳧雁
雉鷺之類毛族多馬羊犏牛任重犛牛毛可為纓貨惟毛練東賈販
之至地稱金水金山名馬而已前孔侯搜採徧巖谷取非所有也抑
觀古之君子啓蟄不殺方長不折蓋憫其穉宜護其生如是今邑養
牲之家羔生半月輒刃之而利其皮動以千百數毋乃大不仁乎往于
金城道上見車來中大呼曰羊子挫殺我也車止問從行者云渠畜
羊西域殺羔無算忽病見羔纍纍踐其身痛不可堪于是歸鄉避之
適益甚不食旦夕已矣吁可畏哉



永昌縣志卷之二

建置志

賴軒過都邑輒知吏治之興衰與民力之勤惰其所營構具見也以資保障以莅官寮以報功而崇祀要已至于豐積儲備簡闕與夫市肆村落津梁之屬分在公私以時修築毋昔隆而今替毋始闕而今無其斯為樂郊矣乎

城池在金山之陽非漢唐故址也五代地陷吐蕃至宋始復廼築斯城金元因之明洪武二年指揮使張傑重修萬曆二年叅將王廷政增廓焉

國朝乾隆二十九年知縣吳憲青詳葺較整嘉慶八年北門樓傾并其

垣壞知縣孫步蟾修之城圍七里三分高三丈頂濶一丈二尺甃堞二千有奇高三尺四寸門四東曰宣化南曰武勝各三重西曰鎮西北曰安定各二重門樓大小有十各如其門之重樓腰角樓各四以備巡邏池深一丈二尺濶二丈二尺東西吊橋各一郭惟南關有之圍二里二分高二丈濶一丈東西門各一明成化八年指揮使高昇築今半圯

警教樓當城正中萬曆十五年叅將李魁指揮僉事趙希雲全建乾隆中重修凝然完固

官署舊衛署在大東街少北以其統領五所故稱大衛元之藩邸在焉改為

萬壽宮正殿七間東西朝房各三間門三

縣署在東南隅地本衛倉康熙間移建衛署于此雍正初改縣仍之坐東向西南北柵門各一大門三間門內南為倉院中置殿神祠馬神祠驛館在馬北亦倉院圍在傍儀門三間案牘祠位南胥役房附北南北科房各十正堂三間左置隸房右置庫堂後退思廳三間內為官舍廳以北為幕館為客軒軒東偏為射圃為花亭廳南為廚廐之屬乾隆四十九年知縣李登瀛于退廳前置捲棚堂北隅起正位樓嘉慶十六年知縣孔廣枚詳修之捕廳在縣署西北乾隆四十一年典史彭啓煥建

協署在南什少西明宏治十三年巡撫周季麟率遊擊趙瑄創建萬

永昌縣志

卷二

二

曆二年叅將劉承嗣重修故遊擊署後改叅及副仍之坐南向北東西轅門各一中監坊左右為旗臺大門三間儀門稱之東西廊房各五中軍廳在西側大堂五間二堂同內宅大小廳舍悉具其外庫局箭亭更樓無弗備焉

都司署在協署西偏乾隆四十二年建明守備署舊址也

千把總舊無署僦舍以居

醫學陰陽學僧會司道紀司均無常所

行署察院附近南門本廣禪寺明洪武間御史胡明善改修公宇以總使節令為關帝廟

布政分司在察院右偏明成化中叅議劉賓建久廢

今檐帷駐所在東什少北為明尚書胡宅故址
儒學在東北隅文廟之西明正統中建本教授署明倫堂五間南向
東西兩間作博文約禮齋大門儀門悉稱乾隆三十五年教諭楊官
修之内外始整

廟祠 文廟在城東北隅元季剝于兵燹明永樂宣德間實肇其基成
化五年巡撫徐廷璋修之次第葺理者指揮趙光遠叅將李秉誠也
國朝康熙十年教授劉顯謨重修協將達爾護贊成之厥後遊擊任嵩
彌縫其闕乾隆己未以來屢經小補廟南向街口牌樓一座曰聖道
中天廟門南向牌樓一座東西兩邊角門二闔泮池周圍十丈橋亘
其上引大北壩水注之櫺星門五間門內名宦忠孝祠在東鄉賢義

永昌縣志

卷二

三

士祠在西戟門三間東西廡各七間神厨在東廡旁神庫在西廡旁
正殿五間配哲如制廟外西側為節婦祠

崇聖祠在正殿東北祠後為尊經閣閣左為敬一亭閣右亭立卧碑
文昌宮在文廟東偏

魁星樓在文昌宮後初建無攷明萬曆十八年補葺嘉慶十六年闔
邑紳耆士庶捐貲重修有記

關帝廟在東南隅洪武中建萬曆四十一年叅將李秉誠重修南向
大門三間東西角門各一樂樓三間鐘鼓樓各一大殿五間抱厦三
間兩廡各五間後殿三間

城隍廟在西南隅南向東西角門二中
豎牌樓一座樂樓三間過亭

設儀衛正殿三間抱厦如之兩廊列諸室報狀殿後退亭寢殿具備
建自明洪武二十年後來節經修理敞麗有加行宮在北門外

東嶽廟在南關

西嶽廟在北大街

火神廟在南門東偏

馬神廟在南門西偏

龍神祠舊在大經巷乾隆四十七年知縣李登瀛置財神閣西偏竝
供雪神像禱雨雪恒于此

土神祠在大衛邑人以仲春二日報賽八蜡附焉

藥王宮在西南隅其後為文昌閣嘉慶十六年重修

永昌縣志

卷二

四

三皇廟在南關

三官廟西大街及東西南關皆有

城東二里有振武將軍孫公思克祠城西二里為川陝制軍殷公祠
大司徒胡公執禮堂議興與文社並建

壇壝社稷壇在城西二里建自明洪武指揮使張傑

風雲雷雨山川城隍合壇在城南一里亦明張傑建

先農壇在城東二里雍正五年建四面圍以墻墻外植木中有正房
配房其前為藉田

厲壇在北門外城隍行宮之側

倉廩本城南北倉院共廩八十間永寧堡廩十間水泉堡廩二十間

草廠舊在城內東北隅以地卑濕移南門外

驛塘永有兩驛一在本城南倉院東遞沙河西遞水泉一在水泉堡東遞本城西遞硤口每驛原設馬三十二匹夫二十名自新疆開闢兩驛各置馬六十匹夫三十四名本城遞運所牛九頭車九輛水泉所如之各附本驛以備執運塘有三本城崇岡堡水泉堡各設馬十二匹夫六名奏摺部檄由之以達

演武場在城外東北里許嘉慶十四年移置其左較為坦潤其在城內東南隅者日常校閱處也

雲川書院乾隆二十七年知縣郭昌泰倡建南向大門三間儀門稱是明經堂五間壁函忠孝廉節四大字碑知縣白鍾麟書也正廳五

永昌縣志

卷二

五

間內外東西齊共十六間膳夫門役住舍具馬廳北菜園一區可二十畝直抵城垣佃種收租以銀二千兩分給典商生息供師生束脩膏火乾隆四十九年知縣李登瀛採得閒田招民佈種納租于倉供書院不時之需

義學邑鄉凡七在文廟街者一清溪永古高古新城寧遠各一皆舊置其一在城中南隅乾隆四十九年知縣李登瀛建

粥廠在小北街署知縣楊毓錦建

養濟院在大衛西偏

寺觀城中東北曰通天觀即玉皇廟也肇自元初明正統四年都指揮伏宋忠復建萬厯中邑紳胡大年廓之皆有碑記乾隆五十九年

重修泉門迤左曰大覺寺中為佛傍供油神鄉邑開榨者咸祈福于
此北門前曰金牛寺西門以左距百數十武曰千佛寺右數武曰彌
陀寺二刹小而幽可為士人藏息之地永壽寺在西南隅準提寺近
南什永福寺近東什此其城以內者

城外北二里許曰金川寺俗稱大寺唐時敕建為永第一禪林僧慧
妙不時募貲修理前後鑿池引水種松柏諸樹今已蔚然深秀後院
觀河樓面山環渠足稱幽絕寺東偏水雲觀在焉有亭可以坐翫前
為觀音臺起綠潭中又前為韋馱堂以橋通之頗清與宜人乘輅過
者多來此自是少東為魁星樓樓側浮圖與在金川寺者若雙峯對
峙迤南酒僊等閣憑嶂而立雷臺火神宮鱗次相接其地周遭止五

六里高下布置據一邑之勝南關有觀音寺遠則接引寺在縣東三十
五里古佛寺在縣東二十五里聖容寺即後大寺在北二十五里寺
前後皆山門外一灣流水冷然可愛西南三十里曰靈應寺南五十
里曰沙溝寺番僧所居其附見于山川者不贅

市鎮商鮮居積計全境所有不過通都數大賈耳城以外惟新城水
泉寧遠有市餘無足道

堡寨在縣東者二十里曰真景堡往昔屋宇相聯今則晨星落落矣
三十里曰通津堡又十里曰宣德堡又十里曰樂豐堡至六十里曰清
溪堡為檐帷暫駐之所多逆旅亦有小貿六十五里曰九壩堡抵武
威界東南四壩寨距縣三十里朱黃寨五壩寨均三十五里永安堡

五十里直南三十里曰永豐堡隸金龍壩在西南者有四者來寨二
十里塔兒灣堡三十五里屯興堡六十里新城堡七十里有營汎賈
販較多附居回民五十餘戶在西者六雲川堡二十里劉可莊三十
五里凡鄉居皆稱莊此則非一家者北古城堡趙興莊均三十五里
姚家寨六十里高古城堡七十里置營所居兵多民少在西北者六
陳家寨十里崇岡堡三十里毛卜喇堡三十五里伏羗侯置他姓間
處其中金川堡四十里王秀堡五十里水泉堡六十里有營有倉有
驛市肆亦繁北則河西堡河東堡宗家寨皆距縣四十里寧遠堡七
十里有營多商東北則崔家寨三十五里守保堡四十里青山堡六
十里所稱下十堡者俱在縣之東北距一百十五里曰杜家寨百二

十里曰永寧堡有兵把總領之有倉百二十五里曰梅家寨百三十
十里曰湯呂堡百四十里曰朱王堡陳倉堡宮家堡百五十里曰東
新堡百六十里曰董家堡鄭家堡
橋梁到處有之但用木無甃以石者村塾間水涸始成惟征途所需
則恒而固

坊表天衢首步坊為舉人嚴明立今廢

志存報國坊為尚書胡執禮立舊在宅前今移置又有蚤歲登瀛黃
甲開先及其子有年世科坊皆廢

三邊掛印坊為總兵郭琬立今廢

西雍保障坊為指揮僉事王守中立

世沐天寵坊為舉人沈再思立
望重南宮坊為進士王懋學立
老成獨步坊為進士曹毓分立今廢
金水毓靈坊為舉人謝弼翰立
綸揚順德坊為孝子張紹訓立
誼重賢書坊為舉人方毓倫立
恩褒婦德坊為貢生魚溫妻李氏立
志貞金石坊為監生杜含葦妻曹氏立
天培苦節坊為童生方鎮妻張氏立
貞節坊多在鄉堡不具載

永昌縣志

卷二

八

古蹟鸞鳥縣城漢武元鼎六年築縣西南百二十里上房寨是其遺址舊志引寰宇記云前涼張軌時昌松縣有五色鳥因築鸞鳥城以美之按永在晉時為顯美縣非昌松也

金呂山城晉武帝咸寧六年馬隆既破樹機能依金呂山築城以防舊志謂在毛卜喇是也蓋永之北峙統名金山其近毛卜喇者人呼金王山玉與呂音相近耳

馬支縣城晉懷帝永嘉五年依馬支山置縣縣如山名今西南高古城距馬支山不遠殆晉城之故址也

大斗軍唐志開元十六年于涼州西二百里置大斗軍因大斗拔各為名舊志指為縣西四十里之塔兒灣以道里形勢較之甚確天寶

六年哥舒翰為大斗軍副使吐蕃遁跡少陵贈翰詩有天山早挂弓
白時杜居秦州故悉其事如此

永昌王宮殿原址在幹耳朵古城今之黃城灘是也其南距一舍有
避暑宮土壘壘猶可識邑城中大衛又有邱墓蓋自初封已來歷年
多宜其頻建但未知孰為先後至武威西北三十里之永昌府其行
宮也

南北古城在縣西南三十里二城相望破古城在縣東北百二十里
近昌寧湖按元明之時防寇屯耕率多築垣以居後來概名為古城
云

祁忠勇公孤軍戰勝處在城東三里許有碑記

永昌縣志

卷二

九

高昌王墓在縣北二十五里聖容寺傍元延佑間葬至元間其子御
史大夫帖睦兒普化來上塚奉敕監世勲碑今亡

永昌王墓在縣東南百二十里墓西側有二塚俗呼娘娘墳其妃墓
也當在元之季世兵興道梗故未遷歸

伏羗侯毛忠墓在縣南三十里地名保保溝

戶部尚書胡執禮墓在縣南四里

總鎮郭琬墓在縣北二十五里土呼郭家墓坑

總鎮馬爾值墓在縣北五里

提督楊時墓在縣南七里下廊廟灣

衛守徐名顯墓在北門外城隍行宮之西係大興人康熙中卒于官

遺囑葬此間其後有興者
論曰營建自公道在勞而不怨厥訓章矣私則度力圖成殆人情乎
若夫私而公者堡寨以聯其居恒坐視頽垣而佛刹仙宮靡不醵金
以助是亦胡可廢然過事莊嚴或增設之則所耗多矣至主者樂善
而間為已謀何也

永昌縣志卷之三

水利志

永盡水耕非溉不殖而斯于水故田多蕪夫田之需水猶人之于飲勿渴焉已而永之田宜頻水故愈患不足不足則常不均勢固然也治之以勤其疏導時其挹注去其兼併雖渠非鄭白亦可決之為雨而致屢豐迺若碾運磴旋借紆民力特利之小者耳

山水 水出于山必大蓄深則發自盛也有謂其質寒其力疆急趨陡瀉最礙于苗且以塵滓中含稠粘枝葉不如泉水之滋潤而清和此說固然要亦視水性土氣何如耳永之水去山恒遠道長而行紆故不甚濁苗方出沐望之一色青葱與泉陌同又見豐稔之歲水常噴

薄溷溷然汙泥所屬反若足以肥其田者白渠之歌曰涇水一石其泥五斗以糞以溉長我禾黍豈虛語哉厥流有二一為轉澗口一為大河口

轉澗口之水入東南境析九壩三溝曰頭壩一名金龍壩地高水下穴石通之源通流暢厥稱膏沃自是而下地勢漸夷各壩排列如鴈翅然曰二壩地廣糧多故其水甲于凡壩分支截灌亦暇他壩為多曰三壩壩口較仰而去田猶近故其流易達此下為四壩五壩六壩七壩八壩則道漸遠水漸縮而賦亦漸輕矣九壩迺其末流尾分九畦東抵武威沙河界北通下堡地非隘而水常不及也河南三溝龍口在三四壩之間循山而往至河之南均分以灌亦名河南壩

大河口之水入西南境分五壩一溝曰西頭壩其上游坦適下則緣山而高曰西二壩已下平行曰西河西壩之三者水道各出大率循河之北其在河以南者曰西河南壩曰流通壩去龍口較近壩則高而仰地又南矣凡冠以西者名他見故以別之毛家莊自為一溝尤在流通壩之南距十里許

泉水泉出地中星溢杯泛固難伯仲山流然山止二源而泉則叠見經灌之地奇零袤延長可百數十里利孔多矣計其所獲田山水者間歲不同泉則無甚贏縮若以十年通較之要亦相等

泉自西南紆折而達于東南者有三曰南亂泉曰龍王廟泉曰塔兒灣泉南亂泉在北古城南為大北壩所從出流長二十里其尾縈繞

南郭凡城中園人灌蔬穴壩引之及修築塗泥之用皆其餘澤也龍王廟泉為中壩之源如站家牌二溝是其壩分出者塔兒灣泉則南壩源也南仰溝附于南壩實則自有小泉灌止十餘家而已

泉在東南者一出者撒山灌者來壩

泉出西北由雲川東下者有三曰北亂泉曰西煖泉曰紅廟兒大泉北亂泉出北古城之北其流為上北山壩西煖泉即西煖泉壩之所自也是二處田止一綫水稱之紅廟兒大泉發源較濶一為下北山壩一為小北壩

在西北者二後大寺泉蕭家灣賴之毛卜喇泉灌其堡之四圍金川峽地東北泉會萃處東水泉之水流入峽口灌數莊即已其大

大源由城北海子上下諸泉溢觴而出齊赴河灘分東西兩口而漑是為金川壩其經流入硤中長趨北下列壩為四曰河西壩曰上河東壩曰寧遠壩之四壩者蚤播先熟產麥最良與下十堡同稱沃壤非水之異殆地氣差煖故爾

黃家泉亦在東北僅數家之利

東北之遠境曰下十堡杜家寨據其上游轉澗殘瀆自入九壩而下為其所資又自有泉助之在永壩中水之山泉互用者獨此

烏牛壩源出茨湖墩是其水之大者輪灌五堡一寨之田曰東新堡董家堡鄭家堡朱王堡湯呂堡梅家寨其中煖泉一溝自壩分出小沙壩亦茨湖之水自烏牛壩分出灌陳倉堡梅起溝二處田畝

清河壩即五顆樹渠源出白煙墩永寧宮家兩堡分灌

上煖泉花家溝房家溝源歧而流縮附戶亦稀殆古所謂十夫為溝者

釋名水殊其派溯所從來山泉二者而已總漑曰河瓜分處曰龍口

水之所分大曰壩小則曰溝此溝與在田者異或自河分出如前列河南三溝毛家莊溝是也或自壩分出如站家等溝是也蓋由戶疇壤解故割據謂微于壩為附庸焉又或據一泉之利沾溉十餘家如南仰溝者是至于田間之溝有數家同用者有一家獨用者他若末流星散曰畦惟几壩有之置木為限曰開口記成額以昭遵守曰牌析壩曰分牌有上中下之別下牌道遠加羨曰潤壩刻滿閉水曰退

壩每歲白露前後沱來年春地曰沱秋水其沱間年歇地至立冬乃
已曰澆冬水清明前後泡植雜木曰澆春水浸苗曰頭二三水重其
始也資上流洩餘則曰接尾水流細合灌則曰併水名緣地異書之
可以觀焉

工作從來治水在于導源而今所尤宜亟者有二一曰築壩壩以貯
水利用固不固則決要其來也有漸罅隙之微弗加彌縫寔以大壞
迥遂炸裂奔潰而不可止至是修之不已晚乎大凡興築廣濶則難
為功局隘則易為力我永各據其壩祇寧渠涇渠不過百之一二最
為易就而通常徹者意其咎在遠居呼難遠應豈知末流之戶水小
而行紆每先期集夫截料以往而附近者反束手不前彼殆以上流

利灌乾涸無虞實則借他人之勤劬冀成功之坐享其究也苟且補
直修至埋廢彼此均罹其害是詎為計之得者繼自今縱弗克醜費
鳩工石甃木練為一勞永逸之計即尋常樹枝草捆齊力一心及時
培植尚不至棄膏液于無何有之鄉豈不善哉一曰疏溝溝以行水
利用通通則受水多流且易達無患土蝕沙浸或值暴漲不難洩之
使去弗為禾憂此在我可自主者即屬公溝亦止三五家便于邀約
去其澱塞平其坎窞顧可緩諸且水與土相麗治水尤宜治田永田
屬泉水者較沃而隄屬山水者恒瘠而寬其在有力之家耕深冀足
雖澆亦肥利在多種每見力薄者穀種連阡土化靡逮而禾間有粟
其塊復聚其窪以此仰祈明昭來年是始獨不思無與為受安所為

施務廣而荒何如少而精者之可望有秋乎至于地多水少固常患其不足然值恒雨積潦失之過者亦間有矣余非老農頗習其理因併及之

灌略河區為壩每壩自屬同井鄉不他徙即渠不異灌厥稱古處哉顧時會變遷其常合者亦僅矣有新上下兩牌者有劃為上中下三牌且未已者此灌規所由日起而加詳也夫按地承糧按糧攤水誠萬世不易之道至于灌從下起下閉則上開上閉則下開亦屬所至皆然迺若兩牌上下或逐日齊灌判其盈絀繫以尺寸或按日輪灌序其先後限之晷刻而其在—牌也大略如之但兩牌之間下牌路遠則潤其壩—牌之內下溝路近不潤其溝又如上壩上牌上溝灌

餘之水聽其下毗連者資之為用與非分浸越者不同蓋自有明招民受地以來迄今數百年之久隨時損益經常之則葺以復加于茲由舊無愆紛更則弊若夫亢旱流縮引注維艱或以兩壩之水併為一壩或以上下牌之水併為—牌又或以數家之水併為—溝亦權宜所不可少者而灌之為法具于是矣

董事治水無專官統歸縣令然日親簿書未遑徧履親勛于是農官鄉老總甲協同為助以息事而寧人其有豪右逞強奸民侵掠及凡爭鬪不能平者則白諸縣以治之

論曰水者田之血脈農之命源也顧不重哉然凡物豐嗇定于天惟順是受而水可知矣彼恃強攘利者以升斗之波乖義害名業已得

不償失甚或借端影射志在鯨吞至于支離蔓衍累年不能解卒之
物屬其主徒以謬敗而糜費滋多何為者耶循分自安毋凌毋暴庶
乎古同井之風與

永昌縣志卷之四

兵防志

兵曷為防防邊耳承平已來邊之靖也久矣然設險守國佐以修武安不忘危也永之外境南達湟中北迤沙漠實滋他族故營汛之設大小相維遠邇相應凡固封守備不虞者務察其宜而豫為之所夫乃民可安堵也惟當事其慎念之

營制涼州一鎮屏翰金城莊浪協于東為湟中之鎖鑰永昌協于西尤甘肅之咽喉地較扼要故建置者彌備長設副將領營十四其兼轄在鄰壤者八張義靖邊黑松安遠古浪大靖土門鎮番是也其在界以內者六本城營中軍都司掌之左右哨千總一把總三經制額

永昌縣志

卷四

外外委各四衛內捍外汛接諸營迺全境一大關鍵正西七十里曰高古營舊設遊擊今改為千總一經制外委西南七十里曰新城營都司一把總一經制外委一西北六十里曰水泉營守備一經制額外外委各一三營相接勢若常山率然控蔽羗虜翅不能越由是城西三面之防固矣至寧遠營在正北七十里界連蒙古最易生釁且每歲夏秋間昌寧湖諸處回族牧駝者甚夥盜匪常雜處其間賴有守備及經制外委彈壓而稽察之故附近居民得無剽掠患永寧營在東北壹百二十里毗連武鎮兩界特置把總沿邊巡瞭與寧遠作遙應由是城東兩面之防亦固矣惟東南石腦兒黑溝口等處屬在遐僻尚乏專員然與武威之炭山堡西把截營唇齒相依有事可

依以為援常選撥健丁練卒留心偵禦所謂有備無患豈必添設營汛哉

關隘深溝峻嶺謂之關隘易所謂地險也險能禦寇亦易藏奸故隄防宜亟以永之形勢論之自東而西坦平一線其東南正南西南三面層巒疊嶂可稱鐵甕銅垣東北正北西北三面長邊環亘加以山谷雜遘蓋無在非險也試言其尤要者**本城營**所轄正南諸山口衝汎有七唐家沙溝距營七十里蟬頭阿博距營百里黃城灘距營百二十里威遠墩距營百三十里四處前抵大通左連永安石佛崖距營百四十里江陵口距營百七十里二處直南接大通東北連炭山堡一顆樹距營百八十里緊接大通河界正北邊外衝汎亦有七孫

家井距營四十里車路溝鹿泉土達坂三岔口距營百里草達坂石昌口距營百二十里俱通昌寧湖至**高古營**西南則有百一十里之鶯鳥口百二十里之五龍五池口界連西寧大通**新城營**正南百里則有酸茨河百二十里有腦兒都口而平羗一口去堡百二十里羗番雜處與湟中羗族巢穴相通尤要隘也故與高古營共防之

水泉營西二十五里接山丹峽口營界南十里接高古營界東二十里接本城營界固可恃以無恐而亦有要口所必不容忽者迤北邊外距營二十里曰韭菜口西山口三十里曰盤道山七十里曰紅井腰峴百里曰大白箕爰口百二十里曰小白箕爰口其百八十里曰石昌口尤蒙古往來門戶本城營既撥兵巡哨而水泉與寧遠亦同

守馬寧遠營要汛自石昌口而外西北百七十里為阿木撒百九十里為榆樹溝二百八十里為盧溝套三百五十里為白鹽池均繫蒙古駐牧處所北通賀蘭一帶是又宜勤探而密防也永寧堡之境外沿邊險口凡四處一單子山口在堡外五十里一破山口一齊頭山口在北七十里一紅崖口在北八十里諸山之內時有蒙古插帳必巖糾之庶可無害各營關隘具此矣查隘口所在皆樹墩以置兵或二人或五人多至十人而止誠以隘多兵少非增兵無由廣設也然諸口相接此處有警則彼處起而應之由散得聚雖寡亦眾惟選擇精銳勿使闕冗者濶其間斯為完策耳

諸營兵馬糧餉軍械烽墩

本城營原額馬步守兵八百名內馬戰兵三百名步戰兵二百名守兵三百名屢經裁移現存五百一十六名內馬戰兵一百二十四名馬匹如兵之數步戰兵一百八十七名守兵二百五名馬兵每年餉銀十六兩糧八石步兵每年餉銀十二兩糧六石守兵每年餉銀八兩糧四石每馬一匹每年料五石四斗草三百六十束

糧餉料草額數他營皆同

庫貯盔甲鎗砲刀矛籐牌之屬皆如額至金鼓旂幟弓矢帳房鑼錫鉛藥等項俱隨時製用

烽墩五十五處在東大路者十有三東五里墩十里舖墩十五里墩二十里真景寨墩二十五里真景腰墩三十里舖墩三十五里五壩腰墩四十里宣德舖墩四十五里宣德腰墩五十里樂豐舖墩五十

五里孫家腰墩六十里清溪堡墩六十五里九壩腰墩接炭山營界
在西大路者有七西五里墩十里舖墩十五里墩二十里水磨關墩
二十五里紅廟兜墩三十里崇岡堡墩三十五里橋兜墩正南則廊
廟兜墩距城五里徐家莊墩照面山墩各距城二十里計三處東南
則甘溝口墩距城二十里轉澗口墩三壩口墩各距城三十里永安
堡墩尖山兜墩距四十里石門子墩寺兜溝墩起龍溝墩五十里狼
洞口墩石頭溝墩小口子墩六十里流水溝墩西達坂墩東達坂墩
七十里石腦兜墩黑石溝墩九十里計十六處西南則者撒口墩距
城二十里橫梁山墩二十五里罩子山墩三十里趙定莊墩四十里
滾石溝墩亦四十里接新城營界計五處迤北沿邊有十一處石頭

溝墩老鶴窩墩蕭家灣墩石坡墩均距城二十里香鑪溝墩紅羊胃
墩老鶴塔墩各距城三十里上關門墩青紅腰墩距城四十里楊家
腰墩亦距城四十里接水泉營界

高古營原額馬步守兵四百名內馬戰兵一百五十名步戰兵一百
名守兵一百五十名除裁移實存一百九十九名內馬戰兵四十名
馬匹數如之步戰兵四十名守兵一百十九名庫貯軍械一切足額
烽墩二十五處營東有四牛家溝墩距五里姚家寨墩十里黃森廟
墩二十里甘家阿博墩三十里接本城營界營西有四黑土窰墩距
十里九條嶺墩新添墩各距二十里大殺博墩三十里接大馬營界
大柳墩營南十里紅山嘴墩營北十里東北二處壓腰山墩距十五

里馬鞍山墩距二十里營之西北十五里煖泉墩二十里十三盤墩三十里石城茄連墩大口子墩五十里香溝腦墩凡六處營西南十里羅家墩三十里寒鴉口墩六十里孤山灘墩九十里中馬路墩凡四處在南山口者有三大河口墩三十里插箭達坂墩五十里雙古城砦墩七十里通永安營界

新城營原額馬守兵一百六十名內馬戰兵五十名守兵一百一十名除裁移實存一百八名內馬戰兵二十四名馬稱之守兵八十四名器械如額在庫

烽墩十有三營東五里墩十里墩十五里墩營西二十里大河口墩南十里馬營口墩東南沿山有三處石頭溝墩十里站廟兒墩二十

里小松山墩三十里西南沿山有五處蘆草溝墩二十里西達坂墩五十里西石門墩七十里擺馬渡墩八十里酸茨河墩一百里接大通河界

水泉營原額馬守兵一百三十八名內馬戰兵四十名守兵九十八名除裁移實存一百二十五名內馬戰兵四十一名馬如之守兵八十四名器械足額

烽墩二十有二五里墩十里王秀鋪墩十五里空心墩二十里金川鋪墩抵本城營界四處在東大路五里墩十里石嘴兒墩十五里石磊兒墩二十里平源鋪墩二十五里古城窰墩抵砦口營界五處在西大路南五里安峪墩十里俞家嘴墩二十里新添墩二十五里中

路石墩截連坂墩三十里茄連連坂墩接高古營界凡六東北五里
西土墩北泉墩中閘門墩十里長山嶺墩十二里趙他什墩十五里
中泉墩二十里宋家墩抵本城營界凡七

寧遠營原額馬守兵一百三十五名內馬戰兵四十名守兵九十五
名除裁移實存九十四名內馬戰兵十九名馬如數守兵七十五名
器械具備

烽墩二十九處東北有二趙家莊墩距營十里矮蘆泉墩距營十五
里在西北後口者十處架砲嘴墩距營十里新莊墩高崖墩二十里
高寺兒墩三十里黃毛溝墩五十里紅寺兒墩六十里安遠墩七十
里昌寧墩九十里黑水墩一百里寺兒溝墩百二十里抵鎮番營界

東南沿邊十有三處中閘門墩河榨墩各距營二十里蔣家腰墩花
寨子墩各二十五里蔣家莊墩王家口墩三十里大沙溝墩西榨子
墩三十五里范家莊墩古溝口墩四十五里狼洞口墩五十里石嘴
子墩五十五里童六莊墩五十八里抵永寧營界在中路者有四石
灰窩墩距營五里茨口子墩十里馬營墩十五里大尖山墩二十里
永寧營原額守兵四十八名除裁移實存三十六名軍器如數

烽墩二十二處東北沿邊者六曰明沙窩墩距營二十里三個泉墩
三十里狼跑泉墩四十里喇叭泉墩五十里黑岡墩六十里獾猪墩
七十里抵蔡旗營界西北沿邊者六曰高崖墩十五里紅山墩二十
里天池墩三十里葦蘆泉墩四十里真馬池墩五十里狼洞口墩六

十里接寧遠營界邊外舊汎十處半截墩二十里硝池墩九十里鍋底泉墩鹽池墩平泉墩各距一百里雙明沙墩百二十里梧桐墩火燒灘墩乾海子墩各距一百四十里水池墩一百五十里

論曰相地置營按營設兵

國家所以綏靖我邊疆者至矣顧營之虛實視乎兵之強弱要其本不在兵而在治兵者責兼分治而道嚴主治匪第勤于訓練也忠以生勇則衆志成城雖倉猝可恃焉寧孤軍以決戰毋高卧以貽殃如後志所列祁西平與劉紹宗良可鑒戒又思民賴兵衛而悍者亦時為民擾馭之有道則相安矣南北外境馬牛盜逞逞盤踞為藪患在徑無阻耳出入皆汎地此亦邊所務防者哉

永昌縣志卷之五

官師志

傳舍一時流風千載昔之循良至今存矣豈惟名哉愷悌君子造福于民實亦自造其福于是為吾邑望更為賢司牧祝也若夫干城攸寄其與于民者事雖較簡而細柳長垂猶甘棠勿翦伐焉依序備列間得其行蹟著于篇

藩封

元高昌王名紐林的斤其先畏吾而之地一夕有天光降于樹樹生瘰若人姓身然越九月又十日而瘰裂得嬰兒五收養之其最穉者曰兀單卜古可罕既壯遂龍其民人土田而為之長傳四十餘

永昌縣志

卷五

君凡五百二十載是為阿力秘畢立哥亦都護可汗亦都護者其國主號也數與唐人攻戰久之乃議和親厥後唐使與相地者壞其福山自是國多災異遷居交州交州今高昌國北至阿水河南接酒泉東通兀墩石哈兒西臨西番凡居是者百七十餘載而元興是時阿兒的亦都護在位舉國入朝屢立戰功至其孫火赤哈兒的斤死于北軍于紐林的斤方幼詣闕請兵北征以復父讐上壯其志錫金幣鉅萬妻以公主曰不魯罕太宗之孫女也主薨又尚其妹曰八卜人公主有旨師出河西與北征大軍齊發遂留永昌馬會吐蕃脫思麻作亂詔以榮祿大夫平章政事吐蕃宣慰使領奉部探馬等軍鎮吐蕃威德信明賊因斂跡其民亦安武宗召還嗣為亦都護賜之金印

後署其部押西護司之官仁宗始稽故實封為高昌王別以金印賜之設王傳之官王印行諸內郡亦都護之印則行諸畏吾而之境八十八公主薨尚公主曰兀刺真阿難答安西王之女也領兵火州復立畏吾而城池延祐五年十一月二十一日薨子二人長曰帖睦兒普化以資善大夫出為鞏昌等處都總帥達魯花赤奔父喪于永昌天曆二年正月拜中書左丞相十月拜御史大夫上曰昔其父葬永昌大夫往上冢其伐石樹碑而命國史著文而刻焉時虞集受詔為之記按自封王後既復畏吾而城池當仍還永昌鎮內郡故終于此永昌王元世祖至元十五年以永昌王宮殿所在置永昌路立永昌王蓋前已封王作鎮至此始專建之終元之世相承焉名未具詳惟

永昌縣志

卷五

二

史稱阿只吉居永昌兼領山丹路可致也

鎮守

魏張既字德容馮翊高陵人也黃初中涼州盧水胡反上以既為刺史遣往伐之抵金城渡河賊七千餘騎逆拒軍于鷓陰口既揚聲軍由鷓陰乃潛由且次出至武威胡以為神引還顯美既勞賜將士欲進擊胡諸將皆曰士卒疲倦虜衆氣銳難與爭鋒既曰一日縱敵患在數世遂前軍顯美胡騎數千因大風欲放火燒營將士皆恐既夜藏精卒三千人為伏命叅軍成功英督千餘騎挑戰敕使佯退胡果爭奔之因發伏截其後首尾進擊大破之由是河西平上甚悅語曰卿踰河歷險以勞擊逸以寡勝衆永甯河右使吾無西顧憂矣封西

鄉侯祀名宦

晉馬隆字孝興東平平陸人武帝咸寧中樹機能陷涼州音問斷絕帝臨朝嘆曰誰能為我討此虜通涼州者隆欲往許之即命為武威太守隆親募勇士三千五百人至武庫選得精仗帝給三年軍資遂西渡溫水虜甚眾乘險設伏逼截隆之前後隆且戰且行奇謀間發弓矢所及應弦而倒轉戰踰千里殺傷及降附者以萬數虜既平依顯美之金召山築城以防今毛卜喇即其處也祀名宦

孟禧安帝時鎮守顯美元興元年南涼攻顯美克之禧被執義不肯降遂遇害祀名宦

唐哥舒翰其先蓋突騎施酋長哥舒部之裔世居安西翰能讀春秋

永昌縣志

卷五

三

漢書通大義疏財多施予故士歸心天寶六年為大斗軍副使吐蕃盜邊與翰遇苦拔海吐蕃枝其軍為三行從山差池下翰持半段槍迎擊所向輒披靡名蓋軍中擢隴右節度副使尋進涼國公後封西平郡王祀名宦

明宋忠順天人都指揮使正統間鎮永多營造績致修佑聖觀碑稱其修明武備邊塵不驚兵嬉于營民歌于野設施具可見矣祀名宦

徐廷璋河南人甘肅巡撫成化初駐節于茲招集各省民戶為之授宅分田經畫屯政董修學宮及公宇所亟需者

周季麟甘肅巡撫宏治中永北界不靖督軍防禦之賴以救寧

秩官

明置指揮曰使曰同知曰僉事秩雖有差其得領衛事司民社則一也故悉書之以冠諸首千百戶為所屬列其尤著者儒學置教授外有經歷司獄知事殆衛制然與抑邑方新造備委用與至管屯及倉廠大使各一員以時方屯田故也名皆逸而存其目見今昔官制之不同云

指揮使

李庸順天人洪武二十五年任

馬駿河南原武人永樂八年任撫兵恤民境內寧謐

高昇成化年任

鄒佐字輔臣元伯顏不花的金為山東廉訪司死節信州謚曰仁武

永昌縣志

卷五

四

明太祖求得其子卜花于軍中賜姓鄒授薊州正千戶遂家于薊成化十九年佐以戰功擢永昌衛指揮使正德中禦流賊于涼之河東堡死焉其子孫世襲指揮僉事迄于明末

張邦政江南上元人嘉靖年任

王守中河南寧陵人儀度雋雅弱冠以指揮使秉衛篆盡心于民俸餘弗自封殖相邑所闕多補葺之由是上官倚重委修北界邊城均平夫役民雖勤不怨擢軍政僉書贈懷遠將軍祀名宦

喻大江僉事禮孫萬曆二十二年以功陞

張奇才邦政子萬曆二十六年剿扒沙建功進行都司僉書尋陞大靖參將

周欽萬曆二十八年任屢戰克捷官至寧夏副將

趙時正順天香河人萬曆三十年任以戰功陞至洪水營遊擊

宋國臣順天人僉事忠孫萬曆三十一年以功陞

呂渭河南關鄉人萬曆三十四年掌本衛軍政勤敏稱職擢安遠遊擊

呂可尚河南關鄉人萬曆三十五年任

史尚信江南金山人萬曆三十七年任

高科江南徐州人萬曆三十九年任

吳秉公江南江陰人萬曆四十年任

趙之翰揮僉朵兒只子宏治年任

永昌縣志

卷五

五

指揮同知

曹惠江南興化人宏治年任

孫重光鞏昌安定人萬曆二十二年任

文國珍江南合肥人萬曆二十四年任

張君恩襄陽人以百戶征黃台吉陞本衛指揮同知加陞洪水遊擊

萬曆二十七年任

彭友仁湖廣龍陽人萬曆三十年任

劉桓長安人萬曆三十三年任綜理倉屯康平公恪民皆德之力能

舉千勛工用刀虜見輒呼曰大刀劉將軍來矣羣棄甲而遁尋遷高臺遊擊以促于年未獲竟所施祀名宦

趙光遠順天香河人萬曆三十六年任其五世祖珍為衛左所千戶
勤勞壁壘間授僉事祖若父相繼死于戰萬曆間進襲指揮同知公
固武家而性耽經史為故先文教重修學宮規模式廓倡纂邑志今
萬曆以前事曆錄然存者皆其力也祀名宦

張世忠順天武清人萬曆四十年任征大靖有功遞陞至肅州遊擊
指揮僉事

張傑張掖人洪武中衛治方草創傑為僉事果毅多才修城池營官
廨既崇且固時又流配新集田畝廬舍諸需籌畫經始之功于是為
大祀名宦

喻禮江南合肥人永樂八年任勇敢有為號稱能吏

永昌縣志

卷五

六

南才順天香河人原世襲金台衛指揮僉事正統七年改調永昌
朵兒只賜姓趙脫脫卜花孫正統九年任

南正才子宏治元年任

呂憲河南蘭鄉人萬曆八年任多立軍功陞至黑松遊擊

南錦正子正德十一年任

趙希雲順天香河人善騎射吏治尤嫻萬曆元年掌衛印不苛不擾
旋以軍功擢涼鎮遊擊遷湟中叅將海膚入寇統兵往討自辰至酉
血戰十二陣斬首數百力盡死之蒙恩優卹晉階二等祀名宦

鄒朝冠順天薊州人佐孫萬曆七年任

南鳳鳴錦子萬曆十八年任

鄔鳴臯朝冠子萬曆二十年任

何堯年江南盱眙人萬曆二十二年任

王應期河南寧陵人萬曆二十四年任

張有光浙江上虞人萬曆二十六年任

閔世榮山東濟南府人萬曆二十七年任

張維垣順天武清人萬曆三十年任

王庭雲江南合肥人萬曆三十一年任

郭朝勳福建歐寧人萬曆三十三年任

王嘉棟江南金山人萬曆三十四年任

劉茂功長安人萬曆三十六年任

永昌縣志

卷五

七

孫鳴禮江南定遠人萬曆三十七年任

南魁鳳鳴子萬曆三十八年襲職兩掌衛印與同知趙光遠創修衛志板藏于家天啟四年二月北虜犯克兔紅山等處率兵四百人直衝其壘及斃四十一人生擒半之餘皆遁去三月甯遠境外赤腦兒之地遺虜嘯聚督兵剿之大勝陞高溝堡守備崇禎三年征土山兒功第一加秩都司僉事

孫光祖江南合肥人萬曆四十年任

張麟運湖廣襄陽人萬曆四十一年任

許乃功江南定遠人萬曆四十三年任

沈英秋浙江餘姚人萬曆四十四年任

南朝棟魁子崇禎五年襲僉事兼理永昌營中軍適挿首犯西界率所部兵以往一戰全勝十四年北征樹績陞監軍守備旋擢都司十六年為臨鞏鎮遊擊未幾告歸居郭外莊不與外事既歿人見于武成道中曰吾將東遊

千戶

孫琦江南合肥人永樂八年北虜來寇琦禦諸境勝之單騎追至炭山口苦戰而死事上聞賜鈔帛厚葬馬其弟禎襲千戶宣德十年率所部兵二十人敗虜于呼囉口虜奔禎策馬追之力疲為所殺賜祭贈明威將軍夫琦禎伯仲秩卑而兵寡迺能奮不顧身冒險禦寇國家盡得此忠幹之臣何憂外患哉

永昌縣志

卷五

八

國初改指揮為守備掌衛印儒學仍教授設驛丞二員一在本城一駐水泉堡雍正三年改衛為縣置令改教授為教諭設典史雍正五年裁本城驛丞乾隆二十一年水泉驛丞亦裁驛務歸縣總理

知縣

林謙江南和州舉人雍正三年初設

楊汝楸浙江仁和進士雍正四年任籌畫有條

汪志備仁和貢生雍正九年蒞永勤敏通達事無留滯邑文章每考進入名潘學使允敏按試謂多遺卷公聞之即詳請廣額加四名至今永人士思潘憲不置益思公不忘也善治獄時有王姓與陸同賈王夜歸陸宿于廛詰旦王至貨藏如故而被殺僉曰王殺人公察其

寬問誰是常至屢與陸狎者王云張某然張且自若也公命點後數
瞰其家跡頗露鞠之備得陸拉與飲酒後毆殺狀案定公調武威而
襲令來唆張改供酷拷王王父窘赴武訴公公為撰詞俾控諸府卒
如公誠而襲遂罷輿論快之

翁維甯浙江錢塘監生乾隆元年任數月去

鄭鐸山西萬泉進士乾隆二年任寬厚廉平刑清訟理百姓愛之學
問淵博公餘集生童子署校課不倦去之日老幼泣送勒石以銘其
德

劉付俊江西安福舉人乾隆七年任疏于吏事而精制藝時集諸生
為文或不至則數招之苦心離校如塾師之于其弟子自是文風丕

振

李炳文字仲蔚直隸蔚縣舉人乾隆十年任謹守成憲不事更張莅
十年無議之者

王年松湖北黃岡舉人乾隆二十一年任

周泰元江南舉人乾隆二十二年任

解東智直隸天津進士乾隆二十三年任仁厚有餘

郭昌泰字亢宗山西榆次拔貢捐俸倡建雲川書院多士戴之有碑
記

吳憲青福建侯官進士乾隆二十八年任

白鍾麟字聖書山西太谷優貢乾隆三十一年任威攝豪猾修舉廢

墜極留心書院蚤莫伺察士多受其益者

奇明字一照鑲白旗滿洲舉人乾隆三十五年由隆德調永康明仁厚視民事如已事曲折務盡每詣鄉驗勘乘馬從僕一書役數人毋令離其側事畢率之以歸其恤民率如此以調臯蘭去送者自城外至邑東界老幼塞途涕泣弗忍舍

吳鼎新字崇寶江蘇如臯拔貢乾隆三十五年任精明有為善于課士調臯蘭

范履乾字健堂山西長子舉人乾隆三十七年任篤實勤慎非分不為

鄭科捷號秀峰福建閩縣舉人乾隆四十年任

林昂霄號麓園福建臺灣舉人乾隆四十三年任才足理劇事不遜難與蒙古長勘定昌甯湖平泉等界百姓耕牧得以不擾

李登瀛字仙洲陝西蒲城舉人乾隆四十六年任才識兼勝遇事咄嗟立辦邑故供將軍夫役頗為民累力除之書院絀于資留心籌畫以贍其用增建義學移修龍神祠蓋邑宰之有為者陞直隸安西知州公善風鑑謂城外宜種樹邑紳南濟漢謝弼翰方毓倫自東門壕邊至西門植白楊八百餘株城隍行宮前學田中尤夥至今三十年大有踰圍者孔侯斧斤及馬自是竊伐者多矣甚矣地方攸賴惟賢宰能興之能護之也

張承澤江蘇上元舉人乾隆五十六年任山西澤州知州

朱錦昌浙江海甯州吏員嘉慶元年任

孫步蟾山東掖縣舉人嘉慶七年任

張若采字子白江蘇上元縣進士初銓鎮番有循聲嘉慶十年調永昌洞悉民間疾苦車馬之供什省其三折獄詳慎讞必自手出迄無翻異者振興書院故以延師勤以課士可謂賢宰矣益年餘陞直隸涇州知州旋調安西

孔廣枚在任七年故

唐元善浙江蘭谿縣監生嘉慶二十年任

教授

王伍雲甯夏舉人康熙三十二年任

永昌縣志

卷五

十一

劉顯謨舉人康熙年任董修學宮特著勞績

王仙郿縣舉人康熙三十八年任

孔門棟商州舉人康熙四十七年任

趙孔昭涇陽舉人康熙五十六年任

高子穎清澗舉人雍正元年任

教諭

侯來旆邵陽舉人雍正三年改設

蔣登御文縣舉人雍正十二年任

葛蓄淳化舉人乾隆三年任

上官可觀朝邑舉人乾隆八年任精堪輿多培風脉城北置學曰助

諸生鄉試資斧既去紳士感之紀其事而額於明倫堂以志不忘
楊世昇富平舉人乾隆十七年任靜重有師範
曹名世蒲城舉人乾隆二十五年任真率不阿
楊官三原舉人乾隆三十二年任宗尚闡學勤于教誨極愛才多方
玉成之善書有求者摘錄儒先語以代訓在永十二載動不過則言
無妄發至今紳儒稱道不衰陞漢中府教授秩滿內擢翰林院孔目
李時雋富平舉人乾隆四十五年任有平裁以保舉去
趙振甲盩厔舉人乾隆四十九年任溫厚有禮士皆德之
李澄心蒲城舉人乾隆五十八年任悃悃無華為士所敬
范煜隴西舉人嘉慶七年任

徐作楷武功舉人嘉慶十四年任和平有度留意學宮以調邊缺去
劉士傑扶風舉人嘉慶十六年任

典史

劉乘順天大興人雍正三年初設
張茂德福建南靖人雍正五年任
徐名標江南青陽人乾隆六年任才具明練長于捕緝
梁耀祖河南濟源人乾隆十二年任
趙文中順天宛平人吏員乾隆二十三年任謹恪可風官最久其子孫
隸籍于此

彭啓煥江南長洲人監生乾隆四十年任

章德揚浙江會稽人兵部供事乾隆四十八年任

羅名著江西長寧縣人嘉慶四年任

韓勇泰浙江山陰人嘉慶六年任

倪兆松安徽當塗人嘉慶十年任

何應壽廣東番禺附生嘉慶十五年任

營員明以遊擊為之長萬曆二年置協升為叅將最顯者平羗將軍

祁秉忠又王廷政劉承嗣李魁李秉誠金魁五人均有建立故其名

存中軍為守備

國

初協仍舊制康熙八年設副將雍正十年以都司為中軍高古營遊擊乾隆三十六年裁之千總領其事新城都司水泉甯遠二營俱守

永昌縣志

卷五

備永寧把總姓氏多散軼故不具書書其叅與副內外五營統歸提轄責不恭重哉

叅將

楊起臣榆林人行伍順治元年任

于成恩順天人廕生順治二年任

陳應舉北直人行伍順治五年任

李于玉順天人行伍順治八年任

趙亮榆林人行伍順治十年任

秦宏猷奉天人廕生順治十二年任

鄭續善北直人行伍順治十五年任修飾闕廟

田宗燮湖廣人行伍康熙七年任

副將

馬三駿奉天人廕生康熙八年初設

達爾敦奉天人廕生康熙十三年任精嫻武略郭重師儒與教授劉顯謨修葺文廟

康調元慶陽人行伍康熙二十一年任

黃炫福建人行伍康熙二十四年任

陳祚昌四川人康熙二十八年任

祁伯秀西甯人廕生明平羗將軍故永昌叅將秉忠之嫡孫也康熙三十一年任英毅有祖風

永昌縣志

卷五

十四

陸進忠甯夏人行伍康熙三十三年任

孟大志江南人行伍康熙三十五年任

高其位奉天人廕生康熙三十九年任忠勤奉職陞至松江提督後平滇南入相

閻光偉奉天人廕生康熙四十七年任

康海甘州人行伍康熙五十一年任

馬英甯夏人行伍康熙五十六年任

劉紹宗咸陽人武舉康熙六十一年任雍正元年山夷犯界堅閉不出伏誅

馬紀師甯夏人行伍雍正四年任

張世偉平番人武舉乾隆七年任
陳其瑛貴州人武舉乾隆八年任
和明順天人武進士乾隆十年任工字能詩雅稱儒將
馬乾西安人武進士乾隆十五年任
楊大業江南人廕生乾隆十八年任
雅倫泰滿洲人侍衛乾隆二十一年任
福昌滿洲人侍衛乾隆二十二年任
張兆藩江南人狀元乾隆二十三年任舉止從容控馭有法
那丹珠滿洲人乾隆二十五年任
觀柱鑲紅旗蒙古乾隆二十六年任

永昌縣志

卷五

十五

特松額鑲藍旗滿洲乾隆三十四年任

佛遜鑲紅旂覺羅乾隆三十五年任整肅營規威愛並用督兵征金川力戰死

福敏泰正藍旗蒙古乾隆四十年任

寧古奇鑲紅旗滿洲乾隆四十三年任

海注蒙古乾隆五十二年任

關騰鑲黃旗滿洲乾隆五十七年任

田有成湖北人行伍嘉慶二年任

夏福臯蘭人行伍嘉慶八年任

福甯阿蒙古人嘉慶十一年任風度端凝馭下不擾而營境肅然

慶麟正黃旗滿洲嘉慶十七年任
曾受四川人行伍嘉慶十九年任
論曰古稱循良吏如潁川渤海洎魯中牟朱桐鄉率皆久于其地故
治稱茂凡志載從正任有以也雖然士君子懷抱利器旆旆偶臨猷
為見焉我邑署篆如四川王畊廣西歐陽鎰滿洲盛露直隸楊毓錦
江南吳椿諸公清慎勤恪而民戴之亦烏可沒哉



永昌縣志

清嘉慶二十一年修
民國七年重印

永昌縣志卷之六

邑人南濟漢纂輯

勾鍾瑞

閔英

王國賓

南崇

全校

人物志

豪傑之士秩崇勳偉邑從來可稱者尠矣然而一命無慚三公並貴
矧夫悖倫巖谷著節閨帷修士化及于鄉匹夫好行其德窮與達何
加損焉天山金水鍾毓不乏其人徧采而叙之庶幾闡此幽潛用昭
風厲云爾

永昌縣志

卷六

人物

文蹟

明閔加謨嘉靖歲貢初為國子監典簿秩滿授懷慶府通判奉法循
理佐郡有聲晉府左長史

胡執禮字汝止號雅齋中嘉靖丁士美榜出為四川保寧府推官發
奸摘伏為太守羅紳所敬憚聞于朝行刑部主事歷轉至吏部主文
選隆慶初游陟文選司郎中清通祇慎品藻公平上諭褒之遷右通
政提督騰黃旋擢太僕光祿太常寺卿尋為都察院右副都御史時
張居正當軸言官余懋學江文輝有因絲絹鼓噪事陰屬執禮誣陷
之不可俄生員吳仕期將劾居正書未上而敗讞者羅織並株余江
二人藁至不會曰吾不殺人以媚人也萬歷四年巡撫應天等府節

旄所向全省肅然適江淮間多盜執禮建威銷萌極為上所倚重遷戶部左侍郎總督倉場居正忌甚九年夏謝病歸處鄉恂謹扶翼後學置學租三百餘石廩貧士至今利賴之未幾召起仍戶部左侍郎兼南京戶部右侍郎臨雍命坐寵渥有加十六年南北省連荒民多流離于是條奏賑恤事宜全活無算越二載以勞成疾卒于京邸上優卹備至及櫬歸遣祭于家論文肫切贈戶部尚書詔祀鄉賢方其撫南也夙興理政竟日無間夜課子書讀少倦則咨嗟至泣下洎詣闕日吳郡王元美世貞在里餞之以詩特及此云詩入藝文長子大年川東道次有年舉人國子監學錄孫養正歲貢河陰知縣曾孫師寅守備孫奉先隆慶歲貢性至孝父母病額天願以身代尋相繼歿哀毀骨

永昌縣志

卷六

人物

二

立既葬廬居墓側朝夕哭奠者三年後為四川彭縣令與民休息不尚威嚴調綿竹縣治如初及致仕捫其心曰此尚在入忠孝祠

王守禮萬歷初選貢宰直隸清河縣時胥吏強橫與豪猾串陷善良既抵任微行廉得之過訟嚴鞠務究實際嚴治捏控及主唆者並向所誣服悉與平反陞四川保寧府同知

胡大年執禮子字仁卿風致灑落與明經葉錦善業工書能文章日與講析恬如也萬歷間以恩蔭見召謝病不出當事迫之迺鬻城西別墅資以北上授戶部郎中尋出守湖廣常德常當黔閩通衢武陵令疲于供應百姓尤苦之大年力裁其冗官民得以休息遷川東道揚清激濁不妄措施未幾乞還封中憲大夫

王懋學號金谷萬歷壬戌進士授戶部山東清吏司主事承理倉局廉勤奉職未竟厥施而卒

沈再思萬歷舉人為山西襄陵令風裁雋異陞奇嵐州知州修明庶事惟敏惟勤遷湖廣辰州府通判理關稅靖苗徭百姓戴之封奉直大夫

王心學號金斗懋學弟天啟甲子舉人為山左長清令治行卓異遷河南禹州牧適土賊揭竿親督丁壯平之拜監察御史當言則言其家舊存奏草一帙今軼卒贈河南提刑按察司副使祀鄉賢其子我薦以恩蔭除四川順慶府同知

何廷臣以明經授河南縣丞歷練老成薦為令遷任河內等縣所至

永昌縣志

卷六

人物

三

有聲調祥符鋤暴衛良循猷益茂

曹毓芬幼嗜學深潛入理七歲購薪于市品其乙者曰外乾中濕煙多焰少聞者咸器之崇禎癸未成進士即為河南項城令志在與民休息閱三月度不可為歸處于鄉絕跡城市以終其年

國朝王胤久丰儀俊偉有幹畧順治初協贊戎機動中窺要及校功辟兵部武選司郎中三年膺上考適臨鞏鎮總兵員缺特旨命往恩威並用裁抑闕冗拔擢勤能以故得將士心湟中黑番寇青海督兵勦之先聲所至番悉遁去編入文原其始也

馬爾棟字天任鳴星孫舉人學醇才敏雍正中選授直隸豐潤令細察民間疾苦凡所能為無不即為調遷安縣治益懋以疾歸城北為

文社士多從之

謝弼翰字夢予舉人初教諭寧夏善治渠秩滿保舉授貴州龍里令
慈厚清謹士民胥悅邑例貢茶生巉崖峭壁間採者歲斃數人弼翰
力請除之當道不可由是有去志會解犯逸鄰封獲之許如自緝者
得免議弼翰曰將誰欺耶遂罷家給資斧以歸

武功

明郭琥負文武才嘉靖中征羗羊溝烏牛壩等地功最多擢姑臧守
備自是戰無不克迤邐至古北口副將套虜入寇琥運奇設伏大破
之尋鎮山右土官張同叛潛引虜酋圍省城琥單師出擊斬首千餘
奪芻糧馬牛無算力保孤城改大同鎮進左都督授光祿大夫封凡

永昌縣志

卷六

人物

四

五代世襲都指揮使

楊時其先咸陽人來永為指揮使家焉時熟悉邊情才長捍禦嘉靖
中從征毛目所向克捷擢至延綏鎮遊擊督軍平花馬池乘間用奇
斬首四百四十有九奉詔提督九邊及紫靖等關進都督府寵錫腰
玉祀鄉賢

馬應龍其祖駿為衛指揮使有功于民至應龍尤勤王事萬歷初領
陝右軍政僉書多勞績仕至甘協副將以疾告歸未幾北虜寇邊兵
部飛檄委勦焉滅之特旨進都督仍協鎮甘州兼攝河西三司五道
經文緯武聲望震一時其子孫有登科膺顯秩者

劉濟資貌瑰傑精研孫吳書萬歷間黃台吉等寇邊攻擊所至濟輒

請為前鋒智謀並用功顯于時由百戶峻遷鎮番守備荐陟寧夏鎮總兵法令嚴明羗虜不敢犯界加大都督

國朝鄒俊彩字子彥明指揮僉事朝冠四世孫也幼失怙寄養窮氏螢雪幼書優瞻文藻以故武世家兼事弓馬康熙中舉進士第四人論策詳明具覘經濟初選江西羊角營守備旋調入京改守湖北沔陽衛掌印時軍民田賦不均屯丁多積逋詳邀清丈獲免宿欠四千餘金又以水浸乞賑蒙報可督修漕船毫不累民沔人戴之
祁朝相丰姿俊偉膂力過人以戰功任靈州叅將康熙三十一年率師攻厄魯特大敗酋長噶爾旦馳追三十里馘其部二千餘人生擒數百上嘉乃績賜御書授拖沙喇哈番奉召將大用甫入都病卒于

永昌縣志

卷六

人物

五

棋承襲

陸建衡為山西靈邱營叅將狼山夷反勢甚獷建衡偏察地形率兵伏于丈八溝夷來伏皆起夾擊之大勝事上聞賜襲拖沙喇哈番馬爾值應龍曾孫由軍功為東川遊擊康熙四十年滅韃箭壚論功第一賜蟒衣遷山西永寧鎮進都督同知封榮祿大夫

忠孝

明脫脫卜花土軍永樂八年春土達兀馬兒沙等謀叛卜花偵其奸徃報甘鎮既還賊知之執其妻子脅之使從卜花義弗屈自刎死事聞上憫其忠以子好帖木兒為衛所鎮撫賚予便蕃至其孫朵兒只賜姓趙世襲指揮僉事

毛忠少隸永伍以戰功官至甘州副將進左都督封伏羗伯成化四年固原土官滿四據石城反忠往征勝之滿懼遁于炮架山忠引兵深入苦戰力盡死之其孫鎬馳救不及亦死晉贈伏羗侯予世券謚曰武勇

文振千戶嘉靖四十一年冬套虜據黑澗池振領兵與其僕順往禦之兵不進振單騎入被殺僕與俱死

趙思義千戶嘉靖夏套虜復來寇勢甚獷思義率兵以往手殺多人既而力竭其僕忠從戰馳救之並陷于陣

武登雲農夫其父病劇諸藥弗效雲夜禱于神剗左股肉以進遂瘳

國朝邵誌涼鎮千總雍正間巴爾庫爾力戰陣亡子昌易襲其職

永昌縣志

卷六

忠孝

六

李國清武舉精騎射兵部考列優等乾隆辛卯征金川奪碉破壘往輒有功擢延綏鎮千總癸巳春進攻克日旁衝鋒而死子瑤承襲把總

許誥涼標千總乾隆四十六年四月撒拉兒圍蘭州誥率兵百人星夜往援比抵河橋兵行疲而賊攻城甚急誥倡聲曰此時不用命來何為衆皆響應奪橋衝圍而入賊遂潰誥以戰死子萬壽襲雲騎尉李奇少有膽智乾隆辛丑夏撒拉兒叛突攻河州時奇為守備率兵登陴拒之城陷盡力與賊鬪被刺中左脇墜城下瀕死懼賊得局中藥呼卒掖往親燃之賊恨甚磔其尸子自理蔭把總

趙陞俊庠生天性孝友父歿竭貲營葬廬墓三年衛守表其閭

張紹訓字克正廩生事親能色養蚤失怙母病侍奉湯藥衣不解帶及歿廬三年奉

旌表入祠乾隆己巳修邑志嘗從事焉

張爾惠字吉可恩貢生篤厚有文行事親至孝父歿廬于墓側哭奠三年善書醉後濡毫大有顛致

劉洽字樂山庠生性介而貌古事親盡禮母歿營葬畢墓臨高阜穴而處焉三年始返好為水墨畫雕石作器亦佳

李琮目不識書而性孝順母病久潛割股肉二寸許烹以飼之沉疴立痊

農民李林如狄本熙縣掾陳瑛事與李琮同

永昌縣志

卷六

忠孝

七

柴譽醫士也父母繼歿茹素六年宗族稱之

義行

明胡岳字斗山舊志未詳今攷其告身有曰冲夷以介倣儻而奇睦族敦倫捐貲調急又曰少歷艱辛乃托跡于廛市堅持雅素實廣志于圖編里推長厚之風家稟義方之訓蓋實錄也鄒蘭谷先生應龍志其墓同以子執禮官累贈至通議大夫祀鄉賢

國朝蔣應蕃應蘭同胞伯仲也俱為諸生素以道義相期居新城堡雍正元年南山夷掠界所至必跪迎罄金帛馬牛以獻始免及堡破蕃蘭兄弟曰為朝廷士子讀孔孟書與其醜顏媚虜以生也毋寧死遂扃門醜其家眾訖燃薪徧庭戶兄弟自刎男女死者共九人教授高

子穎旌其門曰舍生取義是乃義之大者其三弟應歲以婦家有事偕往因不與難而蔣祀獲延

郭耀農夫魁梧有義氣雍正初南山夷叛副將劉紹宗堅閉不出鄉民至城下號泣而請問有繼以入者耀義憤糾鄉衆逐之虜遁去已而復來衆潰耀單騎往以馬蹕見執遂被殺

白輔宸武生方夷之叛也其父斗守水泉營以奉協檄戒兵不動及新城陷夷且來宸擐甲執戈呼曰爾曹誰無室家能逐虜者從我兵咸奮往禦諸高古城之西虜望風而靡高泉兩堡賴以無害其父亦得免譴後中武舉

趙大鸞庠生新城堡人山夷圍其莊攻之甚急鸞正衣冠仰藥而死

永昌縣志

卷六

義行

八

魚名鯤廩生勤學樂教寒畯之士每被其惠康熙中捐粟賑饑多所全活衛守立石表之雍正初西征名鯤出車輓運議叙縣丞

陳洪業監生揮霍不吝乾隆戊午饑救生恤死費多金邑侯旌以惠周鄰里義重鄉邦年八十三卒子登甲武舉

張丕懷素懷兄弟友讓協修文廟

趙士學監生性仁厚慷慨樂施戊午歲開困散粟同里賴以舉火者數十家縣官扁其門曰周急君子子殿輔武舉釐貢生

張雲漢鄉耆于河西堡設質庫減其息三之一歷廿餘載不改荒年施粟捨棺蓋富而好行其德者

趙元品庠生七世同居門庭雍睦其遠族孫繼美兄弟者幼赤貧品

挈至家撫而教之美既登庠以五百金為置產始遣之歸居鄉敦厚有禮人皆敬服卒年八十餘

張映魁鄉耆性愷惻于窮餓多所解推乾隆癸未饑且疫道旁多死者魁予棺木其後貲不給則席裹埋之至修葺祠宇尤所盡心子惇悅俱庠生

杜經魁農官居永豐堡癸未歲煮豆飼貧者堡中得免于餓生平好人讀書常置塾延良師寒家子弟不能具修贄則代之鄉人高其行子孫多入庠有登科者

勾潤庠生居常恤族賙鄰不吝升斗乾隆癸未歲荒以麥五十石給餓者同姓諸生文燦窶無所依予之田宅車牛俾耕以養所出任所

永昌縣志

卷六

義行

九

用不之間及歿厚葬焉其子不事生產去之間復顧其家數為里塾延師鄉子弟多所成就

梁浴生監生世居九壩財不足以庇同里而見信于富家凡比鄰種稔口食及婚葬乏資者躬為稱貸人亦不忍負之如是為常或將訟務勸以息歿之日弔者擁門

張爾惠字據可郡學歲貢生胸襟灑落舊有僕婢六七口貧不能畜或令鬻之曰吾役其力何忍利其身悉遣去司訓固原某觀察過不以禮遽拂衣起蓋老而有風骨者年七十八步行可十里無病而逝劉有年庠生斗岳子之弟子也父病祇侍湯藥衣不解帶者累月及歿哀毀骨立後喪母亦如之極友愛堂從兄弟無不倚若同胞最善

排解嘗有鄰壩以水利構訟衆勸不息生至數語立剖以其公正素信于人也家無餘積庚午春里多懸耒生與友某署名貸粟俾種之不償不問也此鄉人共見而余稔知者故直書之卒年六十

節烈

明陳氏千戶文振妻年二十八振戰死于黑澇池無子氏收骸骨營葬畢投繯者三賴鄰婦救之以甦紡績自食七十九歲卒撫憲表其閭

文氏千戶趙思義妻義陣亡氏年二十九悲泣不欲生旋悟曰姑衰子幼我死將誰依辛勤砥節姑賴以終子長承父職守歷四十一年巡按御史屢獎之

永昌縣志

卷六

義行

十

甄氏常德妻美姿容崇禎末闖賊見而戲之氏唾面大罵賊怒殺其夫氏懼終為所污給曰子瘞我夫屍我從子賊如其言乘間投井死國朝散氏兵毛榮妻順治間夫陣亡氏聞之幾絕候骨還收墓遂自經衛守旌其門

駱氏王澤溢妻溢亡氏年二十二甘貧撫子歷四十餘載

張氏王永正妻年二十六夫亡舅姑逾七旬遺孤八歲氏事老撫幼勤慎終身年八十有二

陳氏沈顯祖妻顯祖歿氏年十八子甫兩歲杜門撫育閱三十餘年積勞成疾而卒

李氏庠生趙大鸞妻雍正元年夷圍莊大鸞飲藥死氏年二十懷數

月姪以夫尚無嗣也將殉旋止匿深窖中夷攻未克去之氏得生已而舉子撫養成人卒年六旬餘

王氏朱色元妻年二十七夫歿遺腹生子氏撫之夫弟色壽不才傾覆先人產旋死遺二子俱幼氏並撫之及子姪長恢復舊業家道復興其孫象文入泮皆氏節義所致也

王氏陸遵輔妻年二十八夫故家甚貧藉女紅為養撫子成人四十載不少渝已

旌表

曹氏監生王國經妻年二十八國經亡遺二子俱幼氏竭力教養迄至成立孫四寧登庠氏年七十有七臨終嘆曰吾今可見吾夫于地

永昌縣志

卷六

節烈

十一

下矣

楊氏曹明妻二十六歲夫故撫二子成人歷三十餘年諸艱備歷其長子家瓚早亡妻封氏年二十五孤守以終兩世苦節難矣哉
馬氏監生劉建勳妻二十九歲夫亡遺孤方幼氏矢志靡他撫子為國學生年七十九無病而終已

旌表

王氏監生趙廷獻妻年十八適獻歲餘獻亡姑孀子甫三月而家甚貧氏甘心凍餒奉姑以終子亦成立卒年六十

劉氏羅象垣妻垣故氏年二十二姑寡且衰氏奉疏水維謹終墓如禮教子尤勞心守四十年而卒

王氏武綏遠妻年二十九夫亡家徒壁立矢志守貞歷四十三年
宗氏庠生蔣應芳妻芳故氏二十四歲安貧礪節足不履閭外卒年
六十

文氏柴鍾秀妻年二十七夫故遺二子四壁蕭然氏理機杼日夜不
休撫長子雲入庠次亦成立卒年八十有七

王氏張紹緬妻年二十而孀子甫兩歲翁姑以其青年勸之改適氏
嚙自明事親撫孤辛苦四十年婦道母道兼盡焉已

旌表

張氏年十七適毛宗伊兩載夫亡家無儋石子方數月勞瘁無所依
氏誓不嫁中年子死孫亦夭繼曾孫以承先祀卒近七旬

永昌縣志

卷六

節烈

十二

白氏毛宗惠妻年二十六而寡遺子二氏艱辛撫育迄致成人卒年
六十有一

李氏張大智妻年二十七智亡家非素封而食指甚衆氏課耕操織
以贍其用子二維均維教俱為諸生年六十四無疾而逝

高氏陳興儒妻年二十六夫亡家極窘子方三歲氏憑十指所入為
衣食資矮屋蕭然靜居四十四載飲冰茹荼辛苦備嘗

呂氏兵郭大榮妻榮西征氏年二十一方孕已而生子越六載其夫
亡于陣氏二十七歲幼勞撫子娶媳生孫子尋亡又撫其孫幸克成
立六十五歲卒

崔氏張良珍妻二十六歲珍亡氏數日不咽誓與同死翁姑再四泣

旌表

慰之乃已事翁姑甚孝歿殯以禮撫四子璫玖玢瑛均遊庠序諸孫入泮者四人登甲登雲後為歲貢生持節五十八年壽八十有四已

張氏庠生李子元妻二十九夫故矢志靡他歷四十七年克完其貞王氏陳朝烈妻舉二子未離襁褓烈故氏年二十三家無伯叔相助為理凡內外事一身樁柱心力俱殫督其長子璣次桂林並遊泮人稱為中帼丈夫卒年七十有七

永昌縣志

卷六

節烈

十三

旌表

縣范履乾聞之為請

趙氏王修禮妻二十九歲禮亡柏舟自矢劬勞終身

周氏王應宣妻年二十一夫亡子幼富室有議聘者氏指天日為誓躬親紡織以撫遺孤五十年無異志

尹氏李伏賓妻賓將死以家寒子幼度難為活令改適氏剪髮自明氏年二十九拮据終身壽至八十

沈氏屈芳妻年二十九芳病死茹荼守志二子賴以成人終年六十

二 李氏張緒孔妻二十七歲夫亡勵節育子以終其身

劉氏生員王緒妻緒歿氏二十三歲事舅姑無違禮教予以義方三十六年不憚其瘁

李氏高益國妻益國故家赤貧氏年二十八子一藉針黹為養子死撫孫值奇荒困苦流離百計全活孫亦早世復撫曾孫成人高門四代宗派三世孤零氏以苦節全之可不謂難乎壽八十五終

王氏趙開昶歸昶五載而寡年二十三其戚以他適勸氏曰婦人從一而終將何往撫二子俱成立長興沼入泮卒年七十五

杜氏嚴秉浩妻舉二子夫亡氏年二十九苦志育孤凡四十載

張氏適宗聖統尚七載夫亡年二十四一子方在抱舅姑憐其幼將嫁之氏曰生入宗門非死不出也砥節殫勞仰事則婦而子俯育則

母而父五十年如一日已

旌表

陳氏張大紳妻紳歿時氏年二十七子未周歲家窶貧甚氏勤組紉賴之以活子長漸能謀生勤勞經三十餘年鄉人憐之

葉氏蒲國印妻夫死家奇貧事六旬姑撫三歲子茹苦衣結者三十載初守年二十有六

閔氏蕭國聘妻聘早世氏年甫二十獨任耕織以給俯仰一子成立克服先疇七十一歲終

喻氏適陸文玉年二十六文玉亡撫六旬雙孤歷三十三年蓋未嘗一日自暇逸也

張氏武生郭鏞妻年二十九舉一子鏞故氏操勞堅守教子持其家至六十八歲卒

李氏貢生魚溫妻年十七適溫越八載溫亡氏日夜啼泣欲以死殉里黨力勸曰死易耳如雙孤何意始解辛勤撫育長子又嘗為諸生次興國中武舉終年六十三已

旌表

劉氏陳汝詠妻詠亡年二十四誓不改嫁家頗饒于資而節衣縮食克儉且勤守至五十三歲而歿

賈氏柴林妻二十八歲林歿持節三十餘年教子生梅入太學恤饑憐困頗有義風

永昌縣志

卷六

節烈

十五

曹氏張翥妻年二十七孀居事老姑極孝謹病侍湯藥累月不怠歿葬以禮遺子聲攄方周歲嚴訓成人守節四十二年已

旌表

陳氏唐國相妻歸相五載年二十三夫故遺子二生計蕭條氏辛勤撫育機聲每至夜半或言嫁則曰若然他日何顏見吾夫耶迨子成立家稍紓壽登七十

茹氏兵楊廷理妻理屯田哈密而亡氏年二十八晝夜績紡撫子成立苦節三十四年

王氏楊福明妻夫歿家窘甚氏二十六歲善事舅姑疏水不給脫簪珥佐馬歿竭力營葬撫子娶室辛苦萬端年五十六卒

秦氏張玉祥妻年二十七祥亡貧不能具兩餐氏甘餓如飴撫其子成人三十年不懈

龐氏陳汝學妻年二十九夫死無子悲泣頻絕翁姑諭以衰老靡依始安嗣姪為子以繼夫志壽七十三

王氏監生陳汝詩妻于歸十載無所出夫亡撫姪不異己生躬柄內政婦職克修守三十餘年

楊氏張君奇妻二十六歲夫故室如懸磬氏甘凍餒撫子成人卒年六十

周氏宗瑾妻年二十九瑾亡守志撫孤老而彌勤

劉氏張緝孔妻夫亡子稚家計維艱氏操貞節自二十九歲至六十

八而終

毛氏王鍾秀妻生一子數齡鍾秀死氏年二十九督耕勤織子賴有成六十歲卒

武氏幼聰慧通書算適劉朝復年二十八夫亡隻身理家政而課子尤嚴中年長子揚死督仲子掄讀書甫入庠又死桑榆無依與二孀媳居以終焉卒年六十九學憲楊以節堅金石表其閭

武氏即劉朝復妻武氏之姪其長子揚婦也年二十五夫歿不嫁姑諭之曰節不易守也况爾無所出試度之氏斷髮毀面以明志與姑相依為命姑歿喪葬如禮撫姪為子歷三十三年

胡氏前武氏仲子掄妻有孝行青年無子撫姪守節以終

閻氏鄭九清妻年二十四夫故家極窘遺子方三歲氏藉縫紉為活子得成人守經四十餘年

楊氏李子俊妻年二十五寡翁早逝奉孀姑無忤色歿則哀毀盡禮教二子作甘作舟並入庠性慈好施捨親鄰德之年陟八旬猶執婦道維謹已

旌表

蔣氏監生范希孔妻年二十四希孔亡翁姑具慶氏事之甚孝歿則盡哀撫二子長務農次業孺鄉人賢之

張氏武舉杜含華妻華方歿時家已貧後益困頡氏力撫遺孤俾致成立初守年二十八卒六十有五

永昌縣志

卷六

節烈

十七

曹氏監生杜含華妻年二十六夫亡長子萬春方三齡氏泣曰我非貪生以子幼且有遺腹耳已而生子詩工苦撫成之均為武舉先是其家小替氏力挽如舊抑又難矣卒年八十已

旌表

劉氏史鎮國妻鎮國亡氏年二十六家貧如洗操女工以育孤兒及子壯能養而殞令氏七十九歲猶竭力撫諸孫可憫哉

張氏宗聖例妻例死氏年二十七舉一子氏辛勤鞠育更三十餘載母道無忝

楊氏沈育檀妻年二十九夫亡止遺二女氏誓不改適女長畢嫁即絕食不欲生鄰親苦勸之迺止家貧無藉寄食母家卒年六十

趙氏張倫妻二十九歲夫歿遺子三俱幼氏勞心教養歷今三十四年
如氏陳世爵妻年十八歸爵甫五載而爵亡其父母諭令他適氏曰
違親不孝背夫不義棄子不仁有死無二也甘貧守志年屆六旬族
黨皆稱其賢

旌表

許氏王性美妻美亡氏年二十九歲家無尺土寸椽一子甫四齡氏

永昌縣志

卷六

節烈

十八

撫之盡歷艱難子長為傭莫不歎為苦節卒年七十有二

張氏呂元妻生一子夫故氏年二十四姑尋歿翁老且衰氏奉事維
謹子長親督耕田雖極勞苦恬如也年六十卒

喻氏蔣維妻二十六歲無子守節年逾七旬一生窮苦

張氏賈爾福妻福亡年二十九家貧甚氏撫三子不嫁夫黨屢欲奪
其志以死拒之今諸孤畢婚氏之力也

任氏侯爾度妻十九歲歸度二十八而孀躬理田園鞠育二子三十
餘年皎然不欺其志

張氏閻應舉妻其夫將死謂曰爾正青年且吾家窶甚吾死可適富
者氏即截髮于牀前示無異志及夫歿撫未歲子紡織營生無何中

道子殞今幸其孫長成即天所以報氏也拮据四十三歲初守年二十一

楊氏武舉陸其嶸妻二十八歲而寡事親撫子孝慈並至其長子加治中武舉早逝次加淑武生守歷三十餘年人稱貞靜

張氏武生王攀龍妻年二十九夫故教二子晝令就館夜則操女紅以督之九齡九思俱為諸生卒年六十餘

祁氏幼守女箴長適蔣廷綬綬亡氏年二十一遺子一旋死親族或言嫁即號泣終日翁姑知其志堅立姪為嗣氏勤撫之事親亦孝謹終年五十

蒲氏秦紹先妻二十六歲紹先故家無升斗氏矢志不移卒年八十

永昌縣志

卷六

節烈

十九

劉氏張紹纓妻二十八歲守節辛勤撫子成家年五十六而卒

狄氏兵白魁妻魁征西域陣亡氏二十七歲子方周齡誓以死守凍餒畢嘗其子今入伍苦節三十餘年

張氏劉鎮南妻年十九夫亡生子彌月居二載姑憫其幼勸之再醮則抱子而泣由是不復強姑性過嚴氏善事得其歡心子克成立守

歷四十年

端氏監生李子順妻二十九夫歿孝事翁姑存歿無違禮遺子一鞠養成成人

蔡氏兵柴永乙妻乙出征西域爾時長子在抱氏且娠既而生子未幾乙亡于陣氏年二十一貞心永矢忍餒撫孤子皆成人卒年七十

有三

高氏兵徐朝英妻朝英西征陣亡氏指天矢志素不得于嚴姑詈罵順受之奉姑以所甘而糟糠自嚙人稱孝婦持節三十餘年子成為經制外委

鄭氏妾海妻年二十八夫死葬之子爾一身無朝夕糧寄養于母家其母但言嫁輒泣日操針黹而食漸少母問其故給曰腹痛頻乞藥投之數劑食愈少值夫百期謂母曰湏一往奠母給之食物比反則卧而絕粒其母往眠之閉戶不言飲以湯不咽越數日死

蕭氏監生丁克俊妻年二十一夫死無所出撫姪為子苦守歷三十年

永昌縣志

卷六

節烈

二十

蕭氏張永達妻年二十七永達病亡甘貧撫子子死撫孫卒年六十有二

王氏田杰妻年三十夫故撫二子踰冠相繼而亡撫其孫成人劬苦畢嘗六十五歲卒

韓氏李永祿妻年二十五夫故遺子一家有田畝悉質諸人氏傭針度活及子長督令力作錙銖毋許擅用乃反其產今年六十有九日用綽然

張氏趙興洋妻年二十四夫亡遺子一性極幽靜有所之非妯娌輩與偕不往也苦心撫子以持其家年五十有六

南氏李清生妻夫亡氏二十四歲子在抱守之數年鄰近富家某厚

歎其戚頻媒之媿皖好音畧不為動甘心飲冰茹藥以撫厥孤子長既娶室而天氏慟曰我無子我不負夫待死而已守歷三十二年祁氏庠生何廷玠妻夫歿撫諸子兼治家事子少長耕讀視其材入泮者二人家亦饒足自二十八歲守節今年七十有二已

旌表

張氏汪登麟妻年二十四夫故鄰戚謂其年少子稚家無資當嫁者三而氏不易也甘饑忍凍備歷諸艱子長能以力養猶勤勞不懈年五十有五

孫氏黃德孚妻年二十三夫亡殮訖抱數月子向姑泣曰遺血累姑妾從夫地下遊矣屢尋自盡姑與鄰婦嚴守之氏度不克遂于是漸

永昌縣志

卷六

節烈

二十一

釋孝事舅姑撫子大勳登庠子亡撫孫現年五十有八已

旌表

毛氏陳開邵妻開邵病亡氏年二十一子甫三月矢志苦守事寡姑以孝聞子克成立今年五十一

張氏十七歸儒童方鏗閱四載鏗亡子甫二齡氏顧而哭之頻絕既甦廼曰我為爾父死忍不為爾生耶初焉倚姑及姑歿形影相弔撫子有成年五十二歲卒已

旌表

胡氏王修斌妻年二十四而孀鞠養二子備歷艱辛至今守三十五年子俱長教戒不衰

尚氏毛應璧妻年二十七夫亡家無儋石氏操織傭針甘凍餒以撫
二子長男既冠而夭次幸成人聊供菽水卒年六十有六
張氏劉涅妻年二十九夫故遺腹生子家貧苦撫成人今八十二歲
陳氏十八歲適謝銳五載夫亡無出居年餘有勸嫁者氏正色曰當
夫蓋棺時妾已陰誓之矣再言則死而已乃撫姪為子足不履戶外
畢歷貧苦今年六十有二

貞婢附

旺婦胡氏婢也夫死年二十一男女無出主人將以他僕配之婦
曰烈女不事二夫婢雖賤流亦頗知此強之再四不從或謂爾無
子後將何賴婦曰婢生僕耳安所得子哉孤守三十餘年完璧無

永昌縣志

卷六

節烈

二十二

瑕蓋奴婢中吾見亦罕

耆壽

國朝李河龍天性樸茂年近百歲逍遙隴畝人稱為陸地仙

桂大相恬淡寡營貌癯而神健年九十有八雙瞳炯炯如童子真人
瑞也

趙孟學未成名最喜讀書年九十有二日為諸孫授字不倦且多記
前哲格言逢人輒誦戒之

趙祺洪年九十一躬勤儉以率子弟家道蒸蒸焉

李成元天真自葆臨事無機心壽登九十

王好勇舉止不浮尤善自頤養年八十有八竟日危坐神色淵然子

七人

杜世佩年八十七襟懷瀟灑自少至老足不履公庭舉五子克起其家

李國昌持躬謙謹遇童幼無倨容至論事可否則不少委曲年八十有七

許儒字大成庠生家號素封黜華尚樸年八十七行不攜杖徒步可二十里富壽康寧鄉人嘆羨

毛翹霄武舉宗閔父也年八十有七和平渾厚一鄉奉為典型

郭永泰恩貢生性敏好學至老手一編不綴人有所問靡弗能應者年八十餘歲而卒子興尚舉人

永昌縣志

卷六

耆壽

二十三

秦燦歲貢生精于堪輿所言休咎無不驗司訓鎮原秩滿而歸猶能騎款段疾馳常遊山壑間遇善地輒指以授人人咸德之年八十有六

秦暉監生暉之堂弟也幹練有為乾隆間西域軍興協辦輓運等事官民均賴年至九十

陳登甲乾隆丙辰武舉世居雲川堡性友愛最喜子弟讀書其堂弟登薰嗜學恐其為家累也不恤已勞俸肄業蘭山者十年得食餼選優人多稱之年八十五

任克久字徵卿諸生也好松雪書頗得其似中年以貧故居于市然諾不欺而人倚重之居積致多金七十退處于家繙閱之餘含弄而

已今年八十有一

流寓

晉杜耽預子西安人懷帝永嘉初避亂遊河西居金山之下相傳築室破中今莫指其處嘗仕張軌迨秦符堅克涼州子孫始還關中
元幹樂北庭人其先于元初挈家居永稱巨族焉樂尤聰明典重久居政府後不詳其所之

明王贊元江南南陵拔貢崇禎初為永昌教授老不能歸遂隸籍于此其孫履仁乾隆丙辰以諸生舉孝廉

張榮祖號漪園關東廩貢崇禎初由山西聞喜令為肅州別駕致仕來永于城南置墅嘯咏其中久而忘返今監生有科舉止謙謹克恢

永昌縣志


卷六

耆壽

二十四

先業其六世孫也

論曰人材因乎地脉邑非淳厚之鄉乎何高義貞操輩相繼也獨功名士少然昔固有勛在盟府蹟上景鐘者矣後來殆將興與若夫闢洛心傳于茲未遠當有聞風而起者祀重鄉賢其行事皆可考近如蔣應蕃應蘭一家死節九人倘以其伯仲附主于祖孫殉國武勇毛公之後未為過也



永昌縣志卷之七

選舉志

科目莫備于漢徵召薦辟別戶分門唐宋互有損益明初定鄉會試與貢生為三途

國朝因之兼舉孝廉方正鴻博等科取人之法詳而要矣敷奏明試士當預籌所以報稱者安在豈第務文詞為弋名計哉武例率與文同行伍並用今悉採而列之

進士

明嘉靖己未科

胡執禮字汝止號雅齋岳子官至戶部左侍郎贈尚書

永昌縣志

卷七

選舉

天啟壬戌科

王懋學號金谷戶部主事

崇禎癸未科

曹毓芬河南項城知縣

國朝乾隆辛未科

南宮鼎字德宇號文峯鳳翔府學教授

庚子恩科

南濟漢字滙東號斗岳官鼎子初任湖南安福知縣乾隆壬子科同考試官調衡山縣原任家居

舉人

明天順壬午科

嚴明縣河南孟知縣

嘉靖己卯科

胡執禮見進士

萬曆辛卯科

沈再思讓子辰州通判

己酉科

許天胤

壬子科

王懋學見進士

天啟甲子科

永昌縣志

卷六

選舉

二

胡有年子執禮子國王心學號金斗懋學

崇禎癸酉科

曹毓芬見進士

國朝康熙癸巳恩科

馬爾棟字天安任直隸

乾隆庚午科

南宮鼎經元見進士

癸酉科

謝弼翰字夢子貴州龍里知縣

甲午科

郭興尚字丹書

丁酉科

方毓倫字子叙山西試用知縣

己亥 恩科

南濟漢見宮鼎子進士

丙午科

沈銓字綬仙左翼官學教習候選知縣

嘉慶戊午科

南崇字蔭西宮鼎孫濟漢子

丁卯科

永昌縣志

卷七

選舉

三

蔡發甲字翰

貢生

明成化

歲貢高禮 蔣志 張九皋山東濟寧縣丞 虞鐸 王霖 李彬山東安邱縣知縣

陳能 柴興 李讓 江雲 耿璫 端玉 嚴裕

宏治

歲貢孔縉 金鐸 王英 范宣 李宣 皮冕 張璽 李玪

李秀 胡景華

正德

歲貢張鑑 宋淦 趙文 嚴禮 張浩 張源 喻定四川蒼溪教諭

王銳 柴槐 陳昊 董儒 李朝陽 鴻臚寺白玉
嘉靖

歲貢陳商 楊善 胡執禮 直隸安肅縣丞郭安 賈琮 鄒文可 太僕寺

孫士英 縣丞劉璋 何廷臣 縣丞趙廷揚 張繪 趙祿 李時

宋浣 楊吉 張鸞 喻桂齡 蔣存仁 孫士傑 閔加謨 國子

簿懷慶府通判劉學習 陳績 高禮 縣南教諭王相

隆慶

歲貢孫奉先 縣知縣綿竹柴山縣主簿曲沃沈讓 臨洮府南應奎 涇陽縣

教授安定衛

萬曆

永昌縣志

卷七

選舉

四

恩貢陳士祿 縣主簿什邡許天盾 舉人

拔貢王守禮 直隸清河同知縣楊天璋 直隸真許乃言 曹州府同知

趙天垣 王廷霈 維屏子直隸曹棟 水知縣

歲貢張天福 河南府王用師 羅俊彥 王子英 醴泉高騰雲

孫光先 陳堯咨 漢中馮張從道 溝山徐周杲 王維屏 守中李端

趙應鸞 彭澤 鄒州導楊天瑞 葉錦 尤善 勝字雷大海 王守極

趙應科 馬應乾 訓導馬應坤 王道行 訓導趙應鰲 高惟衡

天啟

拔貢劉中行 府通判 郭集民

歲貢張宗鉉 張自新 曹敏學

崇禎

恩貢趙階俊應昌子

拔貢徐日昇 楊念祖

歲貢趙應昌山東朝城知縣王盾久鎮番衛胡養正字希聖執禮孫大年

趙元可四川新縣知縣何廷臣河南祥符知縣 楊世黃 趙元珍 馬廷華

國朝順治

拔貢郭碩

歲貢趙牧 張御詔 鄒士遵 鄒鳴陽 陳潛修 王我謨懋學子

孫夢元 王可賓 楊世功

康熙

永昌縣志

卷七

選舉

五

恩貢何維世 王省泰

副貢楊名顯丁卯科

拔貢毛飛璽

歲貢王依仁 曹璜石 趙陞俊應昌子與安州訓導王維運 李恭

陳爾奇 王省慶家琮子王省歲 張翼軫 陳佩璜 李元精

高應聘 雷正聲 鄭國惠 趙九齡 羅世傑 王定寶

趙行可 王忠節 郭具瞻 曹宣蕭 趙崇素 楊名立西安府訓導

劉三臺 吳洪璽 丁長庚 張世官翼軫子任有德 馬爾徽

王省成 田益國

雍正

恩貢侯維楨

歲貢高爾忠 王與尚 陳揆騶 秦芳 杜華字錦如文行兼茂

楊棟名立子耀州訓導

乾隆

恩貢郭永泰字保張紹孔字希張爾惠字吉張椿 胡誠 馬呈文

張珺學府

副貢趙際賢字蘭亭南濟楫字用之濟漢弟已酉恩科

歲貢高騰甲訓導王家珠字伯秦標字映霞王莊 朱紹文字徽

生毛飛煥 滕福衍 趙九疇字子範趙于殿訓導張鈺

張已正字敬張紹讓子先郭興聖 葉德成 張洪畧字叶

永昌縣志 卷七 選舉 六

導滕耀字君謝瑾字天嚴慶龍字雲李國灃 沈育模字子黃時字

工借博古董從 謝侯翰字俊鳳字培趙殿鰲字君

楊文瀚字昆董永甲 張爾惠字據張理字井張琴字理

張爾勳字慎張登甲字捷陸生崙字源張繩祖字行

嘉慶

恩貢王元龍字象陸維統字憲高培蘭字香

拔貢方綏中字一統倫

歲貢柴如岡 南濟川字巨蔣文嚴 馬紹曾字魯張登雲

劉飛鳴 韓愷字田秦世普 孫鳴珂字玉李耀文

王興仁字線勾鍾瑞字輯杜詩法字希李泰振字西楊開科字殿

例貢沈紹祖 王宏璽 狄永祿 王諤 楊春蒞 沈璿紹祖子
王建国 陳揆隨子佩璜 楊相子名顯 劉陞勳 胡諭 祁天信 胡諱
王奠國 孫名勳 楊廷楠 魚溫 陳天廢

軍功議叙

國朝王胤久陞兵部武選司郎中 沈紹祖由例貢除山西布政司經
狄永祿由例貢除湖張良著選州同朱文煜選州同 魚名鯤選縣丞
蔣應賓廩生候選縣丞

掾吏

國朝南之經考註馬國英湖北宜昌 張珮直隸石門

武進士

永昌縣志 卷七 選舉 七

國朝康熙辛丑科

鄔俊彩湖北沔陽衛守備

甲辰科

王家琮廷需子

武舉

明隆慶庚子科

孫耀先

萬歷乙卯科

王用賓 王廷雷維屏子

天啟辛酉科

王廷雷 中式第二次 張鳴鶴

丁卯科

馬鳴駕 應龍子 馬鳴星 應乾子 泉營 守備

崇禎癸酉科

王廷雷 解元 中式第三次 趙清

丙子科

趙應舉

國朝順治辛卯科

王家琮 見進士 郭澍 南煌 指揮 朝棟子 由撫標 守備 中式

甲午科

永昌縣志

卷七

選舉

八

趙大俊

康熙庚子科

鄔俊彩 見進士

癸卯科

王家琮 中式第二次 張象乾

壬子科

王省一 家琮子

辛酉科

王省一 中式第二次

丁卯科

王省睿 家琮子
省一弟

癸巳科

王禔 省一子

雍正癸卯科

白輔宸 子

乙卯科

吳瀚 楊又博 棟子 杜英

乾隆丙辰科

陳登甲

戊午科

永昌縣志

卷七

選舉

九

張爾恕

甲子科

杜含英 杜蘭

丁卯科

王好仁

庚午科

趙殿輔 許理 杜含華

壬申科

趙希抃 鄒晉 毛宗閔

癸酉科

吳溶 孫文誥 吳又玠 陸生嶸
丙子科

杜含蓋 弟含英 劉映南 鄒普

巳卯科

李國清

庚辰 恩科

宋紹孔

壬午科

杜含蕙 弟含英 弟含

乙酉科

永昌縣志

卷七

選舉

十

楊世蔭 又博子

戊子科

魚興國

甲午科

趙第元 陸加治 陳爾善

巳亥 恩科

杜發科 孫含英

庚子科

杜詩工

癸卯科

王曰泰 杜三捷子含蓋 汪朝璐

戊申科

杜萬春詩工 楊世蘭

巳酉科

陳萬言

壬子科

杜詩健 劉發元

甲寅科

陸加泮

杜萬選

杜萬年含蓋子

乙卯科

永昌縣志

卷七

選舉

十一

杜詩泰含蓋子

嘉慶戊午科

杜萬齡含蓋子 解元 勾廷伯 馬汝瑛

庚申科

趙思誠殿 孫希 杜發第孫含英 杜光翰含英孫

丁卯科

毛廷儀宗閔 杜發鰲 杜光國含蓋子 杜詩正 李玉標 焦署仙

戊辰科

陳萬選萬言弟 杜應鵬 張文錦 黃兆元

庚午科

李維鼎 黃玉麟

將材

明毛忠甘州副將郭琥山西總兵楊時九邊提督馬應龍甘州副將劉濟寧夏總兵

張鳴鶚副將馬宗援莊浪將郭鎮都秦州遊擊

國朝

王毓久守禮孫王宗瑞紅崖堡張駿德蘇州右王宏鼎學

孫福建提張銳湖廣督王宏敷懋孫鎮邵廷臣高臺胡師寅孫執禮

正子邵元敷廣東北清衛趙珍官甘州祁朝相靈州陸建衡山西

將王省躬家瑞子廣東徐來洪山丹擊馬爾值四川永梅林西安撫

祁瑛朝相子世襲沙刺哈葛明心廣東石仲秀直隸鄭元良

萬全營端成祿江南撫馬九皋洗馬林陸進朝直隸賈起第湖廣

永昌縣志

卷七

將材

守孫朝儒定邊徐三畏河南北正學江西李奇河州呂鈞

廣西 守備

封贈

國家錫類展恩綸音是逮受之者雖不與捧檄同而被命服享榮名與登仕版者無異也列諸選舉以表祖若父義方之勤以申子若孫顯揚之志

明胡景華歲貢生以孫執禮贈通議大夫都察院右副都御史

胡岳以子執禮初贈承德郎吏部主事再贈奉直大夫吏部員外郎

三贈奉政大夫吏部郎中四贈通議大夫都察院右副都御史

沈讓臨洮教授以子再思封奉直大夫岢嵐知州

王天福以孫懋學馳贈奉直大夫戶部主事又以孫心學晉階奉政大夫監察御史

王允中以長子懋學封奉直大夫戶部主事又以次子心學晉階奉政大夫監察御史

國

朝馬景宸以子爾棟贈文林郎遷安知縣

沈養鯨以子紹祖贈奉直大夫遼州知州

謝戴訓以子弼翰封文林郎龍里知縣

南煜以孫宮鼎馳贈文林郎鳳翔府教授

南之璽以子宮鼎贈文林郎鳳翔府教授又以孫濟漢馳贈文林郎

安福知縣

永昌縣志

卷七

封贈

十三

南宮鼎以子濟漢贈文林郎安福知縣

永昌縣志卷之八

藝文志

道德實也文辭藝也而記事之文亦其實者潤色山川次之要皆不失其所以為志否則雖瑋麗無取焉明以前散軼殆盡厥後迭有篇章擇其尤雅家帙之關於人與地者間附一二俟鑒定於方來舊志所載不具錄云

重修廟學碑記

明江朝宗

孔子之道蟠乎覆載而不見其際貫乎古今而莫知其極著有經傳俾天下萬世得明夫仁義禮智之理以共篤於君臣父子夫婦昆弟朋友之倫迄無窮也我朝定鼎即建學於京師詔凡郡邑皆立學校

永昌縣志

卷八

藝文

而是邑創修在宣德初略具規模而已歷今三紀多所傾陟雖春秋禮行釋奠神之格思未敢信也至於師生講習更無從賦攸寧焉都御史中州徐公廷璋巡撫來甘抵永昌進謁先聖退覽學舍大懼無以稱朝廷興學育才之意祇率都指揮僉事李君尅日鳩庀而重葺之以佚道悅使以明命申嚴伐木於林取石於山梓人効藝羣力皆作築卑以為高闢隘以為廣廟自大成殿及兩廡聖賢像位塑繪如制烹調有厨器皿有庫次之譚經有堂絃誦有齋坐息有居造饌儲粟皆有其所復墾田若干畝招人耕之以所獲易牲帛佐二丁之不遠名雖出於維新功實倍於肇建始事在成化四年之夏明年春三月告成徐公洵大有造於是邑哉夫澤宮為明倫善俗之區弊陋偶

形經營務亟嘗見士大夫拖紫紆青假靈於詩書而歸祐於釋竺祇
林精舍金碧雕鏤而至聖之居則坐視其鞠為茂草亦何不損彼之
有餘益此之不足乎後來者毋忘徐公今日之舉可也按察憲副鄭
公親覩其盛來京請余言因為書之凡預茲舉而獻貨從事者具載
諸碑成化六年七月記

祁忠勇公戰功碑記

本朝

掄姓闕

辛未夏余奉簡命觀察甘山將之任道經永昌距城三里許見道北
有豐碑屹立下車視之大書湟中祁將軍手及三虜孤軍戰勝處十
四字而惜未載其詳詢諸耆老則曰將軍諱秉忠西寧人由襲土司
叅鎮吾永其特邊方久靖戎備頗弛狡虜伺其隙忽以千餘衆洶湧

而來前鋒已至此處城破在須臾將軍開警率部下兵擐甲執刃出
躬先躍馬徑入圍東西馳突殺三虜虜驚以為神各鳥獸散將軍急
追之越界百餘里始還所以保我先人而綿延至今日者皆將軍之
賜蓋萬歷四十五年事也邑人感其德勒石以垂不朽幾八十年於
茲矣余聞而嘆曰古云一人當關萬夫辟易其將軍之謂乎比抵甘
肅提標叅府祁公伯身將軍嫡孫也為余具道其始末乃知將軍却
虜之明年遷涼州協又明年拜平菴將軍擢鎮甘州俄蒙召見寵賚
甚渥加太子太保提督薊遼每遇敵輒先往尋以血戰死於陣上聞
卹祭者三賜謚曰忠勇豐功駿烈勛府藏之其冢子國屏以廢襲任
威遠遊擊值關賊亂重其才將引為黨厚嗚以壽祿弗從賊殺其僕

屬以脅之卒弗從乘間擊賊賊遁去夫將軍以孤無所援之身禦猝不及防之虜於呼吸轉瞬之間奇矣迨後位益顯節益勁終以死報朝廷抑又難矣而賢嗣抗義拒逆不少挫折固其至性過人亦豈非將軍之教之靈所培育而成者哉壬申五月甘泰公來協永余以賑饑如湟中適永協公之弟仲多者為本邑遊擊暇日邀余至其家因得覽其世牒益信將軍忠心亮節向所聞皆不虛彼苟安祿泰全軀保妻子之臣對此可愧何如耶然或不知自愧且從而議其後曰孤軍豈能當衆虜特倖成耳捐生又豈所樂為非窮無復之則輕身冒險以活後世之名耳嗟乎已則弗能反滋詆毀此忠良之所以不數數觀也秋暮余役竣旋甘過永永協公慮遺碣之將仆思祖德之就

湮既重為監建復新礪一石欲以誌其詳而傳於後再拜乞余言余佩服將軍久矣敬核其實行而直錄之如此時康熙三十六年九月也

鐘鼓樓記

南宮鼎

鐘鼓樓在城正中屢肆交會之所規制倣西安而崇闕盤固彼無以尚焉始於明萬歷十八年其上懸巨榜四相傳邑明經葉錦閉戶冥思三閱月興至落筆迥異常作名公卿過而覽者悉歎其神妙崇禎間與樓俱燬先是諸生楊心誠者設塾樓側酷愛其書暇則坐立瞻玩若歐陽率更之於索靖碑蓋十餘年樓既復因模出之字較縮於前今玉關通道十六字是也吁葉氏之邃於學惜不遇以善書聞夫積

生平之力擅此一長積生平之長得此數畫而造物者忘且阮之僅
僅餘其形似抑何窮與然猶有其似者後之人望樓憑弔恨不識當
年真蹟恍惚中如鸞斯翔如鳳斯翥則不傳之傳更章矣至楊氏所
為唐臨晉帖耳又經鉤搨而損其初迺用克顯是故人不可無所托
以自見於世也從來專其習者底其精悟其理者幾於化載觀衆伎
門分類別苟超凡詣姓字永存彼奕戲也而秋稱於孟解牛賤也而
庖丁稱於莊種樹鄙也而橐駝稱於柳矧迺雨粟衍流煙雲幻跡洎
夫鴻文麗藻凌古轢今與道德勳猷之表表者乎樓故名聲教中祀
文昌邑志云朝夕考鐘伐鼓振興文教蓋前人之旨微矣夫有周辟
雍是建盛紀於論其時有至德儀刑於上又廣立學以翼譽髦其下

多英敏好修之士若林遠兔豈速匹公侯是以化行而俗美豈惟鉤
鉤鞿鞞為能効其靈也者百里之中不無賢哲十室之邑必有忠信
學者即樓所自名而繹其義發深省於風霆倍警心於師友拾其階
級循其層累於以步瀛州探虎觀游行鵠圖繪麒麟則茲樓若詔
誠爾若扶掖爾若拯爾於窟室而躋爾於天垣樓不且與有榮施乎
哉余志未逮曷敢即安而冀鄉後進之聯袂以上也於是乎書

毛武勇公家祠記

南宮鼎

毛公諱忠居金呂山下於明為永之世籍先系無考公生而英異嘗
觀其畫像魁梧颯爽令人想褒鄂之風景泰中入永伍為百夫長適
使安西聞唐西平郡王哥舒翰已事重慕之以其能讀春秋漢書也

自慚未學專肄班氏暇就塾師為講析之亦頗能明其義時邊烽未靖凡征必從臨敵敢先見懦者輒斥曰朝廷糧藜爾何為後先累三十餘戰功皆不次蓋其勇可格獸又惠信以遇下深得士心故所向克捷官至甘州副將進左都督封伏羌伯每念國恩無以報繕備閱練旦夕不遑自逸成化四年固原土官滿四恃其部衆據石城以叛公率兵五百人與其孫鐸往擊之連勝滿引衆遁於原北礮架山兩逾月不出公曰彼地誠險豈舍之去乎軍中食且盡坐待非策於是遂入行經三四日賊偵知散處深壑中兵甫登嶺賊遽起過絕前後公被執憤罵而死鐸救之不及亦死事上聞敕曰毛忠不愧其名矣晉封伏羌侯謚武勇吁使公待時後動戰而得志則功益高生膺萬

戶所必然要此工趨避苟富貴若身家計耳丈夫許國寧馬革裹屍或姑延之至於師老力竭倉卒變生一蹶不能再振可若何且人臣為國死其生氣凜凜為醜虜所驚憚足以壯山河而衛社稷公誠豪傑矣哉而朝廷之軫恤者遂無弗至易名之典吾邑得與者公一人詔入忠孝祠春秋享祀死猶生也蒙予世券鐸之子兼有餘蔭其榮寵若此然度公之心方以主知有負愴泉下魂耳歷今三百數十年其族蕃熾時有游庠陟武科者皆天之厚厥施也記之俾勒諸石謁是祠者觀焉

書胡雅齋先生傳後

南宮鼎

我永有明已來身將帥而忠勤懋著者以三四數若夫崛起儒林則

胡雅齋先生一人而已嘗聞諸人曰先生以魏瑤顯詞所涉至儲焉不能堪且取證云城中廣營灘故有忠賢祠是胡公建者夫先生之豐功亮節褒錫三朝軸連金玉何恤乎浮言雖然人惡偽異間有揄揚者率以為非其真也而置之有詆毀者則傾信之而謂其尚未盡也吁可無論哉攷先生左貳民曹萬歷十八年春卒於京邸而忠賢於十七年始充內監隸司禮監孫暹供役其竊權用事在熹宗之朝於先生渺不相及也天啟五年蘇杭織造太監李實奏建忠賢祠於西湖之麓上賜額也普德自是四方效尤幾徧天下所云廣營灘祠予童子時見之中塑神像就令先為魏祠或有司嚮風所置而先生下世距此三十餘年其奚從而建之先生仕進當張江陵秉國之日

江陵攬柄能進退人若言官余懋學等事既陰屬之藉可攀援以上先生乃重忤其意遂令忌之不足以容謝病而歸夫舍加膝墜淵赫赫之師相尚肯俛首下心奔走他人乎予初不知為是說者於先生何仇直煽惑以至今日使人人橫其說於胸中而敬之不免於疑之較諸構陷其身而名常炳於後世者其流毒蓋滋甚猶幸死生間阻不與逆宦同朝設如康對山先生不得已而晤劉瑾雖百千其喙將焉置辯然而對山先生之心跡當其時已皎然大白矣獨先生被其誣而莫為之雪何哉近者難蒙遠者易污也士君子藻鑑人倫揚清修於既往當熄乖論於方來簡編具在盍共稽之

書院之大者在省會當道校諸郡縣士而拔其尤延名師董教之日
餼月廩費在出公帑澤甚渥也而郡縣視省制又各為建彬彬乎黨
庠術序率土皆然易曰觀人文以化成天下惟我

朝為極盛焉永地處邊陲近百餘年來登科第者僅三人士氣抑塞風
教頗未光其需書院最急然從未有起而議之者乾隆己卯太谷郭
公昌泰蒞茲土即謀創置會軍興旁午未果至壬午秋乃舉厥事公
先捐三百金為之倡闔邑縉紳先生及里巷慕義之士感其盛心胥
願相助為理閱月而醵金二千餘兩公以二千分典生息備師生歲
脩膏火之資即以其餘於城西北隅購宅一所仍其舊基而補葺之
越明年癸未七月告竣榜曰雲川雲川在城西二十里從地號也夫

地若天山鸞峯金水可稱者亦多矣奚為而必取乎此蓋以雲蒸而
益上其象為升川流而不息其象為恒公將使肄業於斯者晨雞夜
火水滴繩穿汨汨然如川之方至而因以臻於雲霞炳郁之觀所以
期許來學者意寧有窮乎哉而且以明經顏其堂教學之本畢在是
矣經者載道之文也子思子曰修道之謂教舍道無所為教舍經又
安所為道惟為之師者闡明經義培其根柢然後泰之諸史子集及
秦漢以來之文旁通觸類而終斷以經學者由是而之焉羣將黜華
敦實以從事於忠孝節義求不愧為儒者擢科登甲猶其小焉者也
然則是舉也成教於一時即維道於不墜其功與德烏可量諸且夫
事難作始亦貴圖終後來者守而弗替或更增大之諒有同心而公

固不能無望也於是乎記

重修魁星樓記

南濟漢

魁星樓邑鄉多有而斯為大尊經閣峙其西文筆踞其東北枕城垣南窺龍峪登之則萬峯仰拱衆渠環流曠若境內數百里戶誦家絃皆其映照初建不詳何時續葺於明萬歷十八年題識猶存乾隆戊申余嘗治神座與其階梯遂有修焉之志在苒二十年未能也嘉慶己巳武功徐君作楷來典學甫一瞻謁輒思小補而與余商余以歷年多寔尋將不可支當及時為久遠計於是邀集紳耆而詢謀之心同響應須臾而得所需之半又分簿各募不兩旬復得其半我邑凡公舉未有若是之爭先恐後者蓋文事所關也儻亦神實助之乎時

則太學生張有科鄉耆魏瑋庠生朱向陽慨然以總理為己任協助者庠生王國賓許三傑約正皮文祉張誠明皆以糗糒自隨雖風雨輟工畢來檢視始於十五年三月竣於中秋何其易耶非得人不及此樓原起臺上臺以上亦云固也然剝落所不免茲於其下週遭甃石三重通體編繚以輒行道稱是其上楹櫨榱桷傾者扶之敝者更之裂者緝之瓴建瓦覆率易舊而維新厥頂故方有謂宜圓以象星者從之大率世間物久則必變惟以不盡失其本來為幸耳土木既備丹雘攸加不務美觀期於克永嗣自今春秋邁豆穆穆皇皇神其寧止而多士躋攀亦當丕振其志矣臺之前為文昌殿亟待完整近奉

詔崇祀帝君三代尚無專宇殿之左有園換作允宜行將與諸君子圖之

再遊雲莊山記

南濟漢

雲莊山在邑東南六十里雲四圍如莊又金玉枝葉若為山莊嚴者然予遊後踰三十載適秦隴數客過訪意在遊因為道茲山之槩客欣然往比還笑謂予曰何誑也私念人事星移山川改色客所涉或非予所經於是約及門二三子遊焉至則所見較前為勝雲莊以雲名何山無雲獨此晨夕晦明遠近上下怪變不可方物足令髡衍舌卷顧陸毫停江鮑吟歆行到水窮處坐看雲起時好道如摩詰輩庶幾心契其妙而究不能具言之烘染太素則為朝暾為暮霞為前後

兩林之松松始自晉當無後存者斷巖絕磳樵跡所不至間有幹若銅青鱗若鏤黑榮枯相半傳為前涼僧摩阿手植或然其餘獲髻石骨陣列檣連多數百年物予謂松始自晉則以為晉之松可也猶縣始自漢則以為漢之縣可也往者每至郊歧間覽其山川草木恍置身三代時不復知有秦漢矣松下泉流石上清可以鑿甘宜茗拾松枝煮飲之沁人心脾泉出止一勺漸若盆翻嘗下低窻相直處仰觀之驚若玉峽飛龍頓異曩境霽曉陟崇岡西望城郭依稀在眼舉頭天青欲滴徙倚迴矚恨不生六翮作萬里翔竟令人忘其老落落樓臺寺觀畧施點綴如古尊由生斑斕樸翠可愛東詣石佛崖鑊削峯奇向所躍喜今殊不欲登以孤峭干造物忌而士君子之立身不宜

爾也嗟乎維山之靈覺我以形滌蕩塵穢匪云杳冥惟邱壑中人久
乃遇之當時所稱豪傑方將萃崑閩之高擷岱嵩之秀攬金闕珠林
之都麗藉以抒發其道德文章視此塞上峰巒直佛子舍野人居耳
何足流眄乎哉遊旬餘二三子從之歸問客已去不獲與言

北郊山水記

南濟漢

天下巨觀山水為最其在我永北郊者特崑崙片石黃河一滴又以
最爾邑不能殫人工疊開生面藐乎小哉過者多賞之往來使節亦
間至非云勝也征塵中幸賴有此且近郊不勞耳雖然善繪者縮九
州於尺幅則大可小今自雷臺演迤至真武巔作一字觀則小亦大
其間峰巒向背溪流斷續與夫樓閣林麓之高下參差他若鳧渚磴

永昌縣志

卷八

藝文

十

輪豆畦麥隴殊不至一覽而盡遊於此者自適其適有泉蹴所下常
經獨與神契如孤嶼索梅如月下扣松關尋高士談差足藥俗亦有
蹊成桃李喧呶雜逸姑舍之去俟闕寂時邀數同調及方外友攜酒
榼摘新蔬縱論古今名流瑰節或佛書道錄為是處闢一清涼界其
樂何如如斯而遊可偶至亦可屢至則日之洞天福地等於曠如奧
如者固宜然猶娛情肆志之所為未足與務實者道也予嘗謂儒者
閉戶擁圖既不能徧歷天下名山大川搜奇領異即此可以悟學焉
於雷臺峻閣飛甍見發端之突兀於魁樓小折見旋轉之沉雄於觀
音塘水雲觀見其渟蓄生動具沐日浴月之形雲垂海立之勢於金
川寺登高四顧萬象俱會從知根窟中不名一物實不遺一物由是

迤西至山緣麓達頂正未識過此以往將復何之就遊思學直引人
入勝者而豈第迹焉已耶且夫地以名傳貴真而雅觀音塘俗名海
子志稱柳池李仙洲刺史宰永日易以北湖意與坡公東湖比美第
未著其所以異於常水予命之綠潭其色固然也有詩云是湖亦海
命名類老去行吟始見真凡水只爭三月綠此潭長貯萬年春蔚藍
倒射光難住楊柳低垂染未勻剛過小橋還似練應從大士問元因
邑八景中柳池漾月最佳若以綠潭易之則波開一鑑靈靈無垠森
然其真彌出予本鈍人童子所釣遊老而始悟目前如是况於奧區
物象如是况於義理則凡曩所籬窺壁聽自以為得之者猶未至其
處也北郊山水其顯焉者也

詩

贈哥舒開府翰二十韻

唐杜甫

今代麒麟閣何人第一功君王自神武駕馭必英雄開府當朝傑論
兵邁古風先鋒百勝在畧地兩隅空青海無傳箭天山早挂弓廉頗
仍走敵魏絳已和戎每惜河湟棄新兼節制通智謀垂睿想出入冠
諸公日月低秦樹乾坤繞漢宮胡人愁逐北宛馬又從東受命邊沙
遠歸來御席同軒墀曾寵鶴畋臘舊非熊茅土加名數山河誓始終
策行遺戰伐契合動昭融勲業青冥上交親氣概中未為朱履客已
見白頭翁壯節初題柱生涯獨轉蓬幾年春草歇今日暮途窮軍事
留孫楚行間識呂蒙防身一長劍將欲倚崆峒

恢復扒沙

明張鳴鵬

桓桓虎隊出車期
漠漠龍沙奏凱時
虜滅全收唐土地
兵迴爭擁漢旌旗
葡萄酒熟征人醉
首荷花深戍馬遲
聽取琵琶彈夜月
短簫長笛雜梁伊

鸞鳥山懷古

嚴明

萬仞摩天到眼頻
縣依山立並嶙峋
昆邪率衆知降漢
武帝開邊遠
軼秦雪嶺自升青
海月松風今度玉
關春高城低谷煙
霞裏有鳥飛鳴五色新

送別胡大中丞還京二首 有序

王世貞

大中丞雅齋胡公入佐司徒貞以多病里居不獲躬從父老

永昌縣志

卷八

藝文

十二

卧轍請留聊成二律以壯行色蓋公之功德人能誦之而公之苦心人不能盡知也故於結語中深致感云

關西清白古來傳
數到胡威更瑩然
新轉地官饒建地
近從天語見回天
尋常八座人猶羨
四十三台爾最賢
惟有苦心真絕處
青燈課子淚痕偏

五雲將送畫熊車
乞借先知冠不如
主計入陪蕭相府
阜財能用范卿書
窮簷盡屬吹噓後
多士爭承咳唾餘
漸老杜陵懷舊切
春風寂寂浣花居

懷杜耽故居

曹毓芬

家傳左氏癖耽也
豈耽遊男兒不將
相安戀故鄉邱東
南信可適君

胡來西州萬里玉門道昔人北封侯所遇多枳棘鸞鳳馬肯投行行
金山下破水清淺流聊息朱門謁閒與白鷺儔倚崖一茅屋歲月小
淹留張軌真晉臣聞之趨附舟壯志鬱以老何如此長休

永昌懷古四首

本朝 南宮鼎

作邑西垂漢武功休屠戰後更多戎奇驚盧水推張既策定金山紀
馬隆節度平西軍益壯封藩控朔路何雄由來陷復棋枰似鞏固

熙朝萬載同

山川百里古巖疆獅踞龍蟠不易方城築嫖姚沙漠漠垣圍斗谷草
茫茫雲間寺古松聲細水畔營高月照涼故衛數椽元邱影幾留臺
榭屬侯王

永昌縣志

卷八

藝文

十三

籍入前朝罷鼓鞳凋殘霜燹又流離千門雲鎖拋多壘四國烏瞻憩
一枝板屋居聯金水岸犢犁耕近雪山陞何如生齒繁今日澹蕩春
風徧野吹

心殷索駿古無圖史乘于今姓字俱列爵崇封褒大節辟雍隆禮賜
司徒英雄幾輩邀金紫著作何人望柳蘇十室良材深自愛當知名
士著名區

新城行二首一為蔣生應蕃應蘭作一為趙生大鸞暨其節配

李氏作

平羗山口羗不平協帥飛檄西南營但宜扃守毋往禦驕虜自是入
新城馳掠無過百十騎片甲不來夫何忌少壯奔竄老衰號蔣生同

懷同道有同志壘門挈醜各喻妻匪族須臾瞰深閨旋呼大小女若
子啗賊甯隨爺孃死藥罷聚薪燔其家望望白骨化丹霞朔風飄瞥
棟梁燼伯仲後先飲霜及豈無盤金跽獻獲全軀子膝肯屈犬羊奴
亦思困獸圖窮猶一鬪只此忠信當甲冑裁決盡室誰生存雲破天
闕招九魂吁嗟乎萬萬安能庇本根所幸季弟邀冥佑侵晨伴送歸
甯婦偵候氛定始言旋若教幾餒今有後向令具書達

朝廷姓字長與史俱青春秋祭享豐血食百倍村祠牲醴馨吁嗟乎霄
壤升沉等閒事初非殉名但殉義千秋正氣文山歌家國雖殊心不
二

雪峰俯新城多有靈氣貯蔣氏鍾二難誰與踵其武礪落趙生知道

人讀書好義程先民山寇圍莊度不免白壁忍令玷風塵士也見危
當授命冠沐從容巾袍正仰面飲藥遊帝鄉少婦聲吞抱貞性雌燕
伏卵泥墮梁結纒梁上素練長玉韞在石珠懷水行與俱逝夫應傷
女孀石蓋堂北穴未到泉臺此幽閉古劍三尺依妻身虜來妾身化
冰雪虜竟不來天相之出坎營葬產佳兒兒疆諸孫已繞膝六十從
夫豈為滬

水泉行為守備白斗子武舉輔宸作

唐軍元路邊防重戰績近推祁忠勇白斗蠟縮失戎機僵守協檄山
難動有子輔宸果力多謀偉丈夫挽戈牽騎長街呼枯坐空復棄家
室從我盡斷纒纒腥頭顱父老傳言擊社鼓兵民挺刃一時聚爭似

攫兔疾於鷹不道吠虎猛如虎燕支山下風怒號羣夷膽破飛奔逃
僉曰白君義士亦勇士生全兩堡洵足豪宸也聞之寒慄股歸予功
兮死予父衆喻厥指哀其誠若翁從此冒虛聲以故後來協副法無
與水泉潛鱗獨漏網往事紛紛傳至今應知當年孝子心

城南行為郭耀作

郭耀田家子高陽徒與隨血性貫金石虎氣騰鬚眉山羹肆焚掠老
幼啼城垂門閉不得入胡能免瘡痍壯士憤長嘆營哨儻未知自揣
屯骨相恨未列偏裨沿邛糾衆力蜂集受指麾農器為劍戟神幟為
旌旗風趨吼鳴雷鳥獸各奔馳緩急須度勢我寡毋輕追寇去乃復
來羣潰身子遺丈夫立天地志定誰可移雄關一人守壞厦一木支

馬踏卒見殺豹死留其皮鈴閣尚高卧延頸能幾時

天山積雪

黃時

祁連高鎮矗雲端終古陰凝雪鬱盤頂現芙蓉青數朵崖迴日月白
雙丸迤南凍谷銷初夏向北晴渠析巨湍為禱山靈兼作雨幘幘永
托不知寒

雲莊鋪翠

信是東南第一岑空濛積翠足幽尋仙巖捧日遙城見松黛參天衆
壑陰高處泉流多似瀑望中雲起已為霖纖埃不到真韶麗紺碧樓
臺任古今

柳池漾月

溶溶初地夕光添一片空明象外瞻堤畔綠森星化木波心皓射鏡
開奩人來賞月常維馬興劇依林欲捉蟾料是南海清景似長吟莫
漫下青帘

金水潺聲

何處松翻萬樹濤旋疑驟雨過林泉驅車石硤行頻折側耳金川咽
復號旦暮衝撞千磴合風雲呼噲四山高還宜鼓榘尋聲去水濶天
清興正豪

東岡晚照

平原漠漠夕陽西返照東岡駐景齊紫氣天移函谷近赤標霞映石
城低羣山暝色綠林八十里晴光擇地棲杖策高人忘日暮憑高猶

永昌縣志

卷八

藝文

十六

自步丹梯

西嶺晴嵐

好山無岫不生嵐獨有西巖須靜參霽後秋冬微帶雪常時高下盡
拖藍天光作幕編爛化空翠如流霖霖含古洞雲深仙已去老樵攜
我此幽探

南峪龍騰

鸞鳥昔來棲何處神龍飛去有龍堂初潛石峪南山隱忽曳溪雲萬
里翔破壁謾誇晴閃爍延津不讓劍光芒禹門即此游多士矯首青
冥兩腋張

北山獅伏

嶄然何日孕靈胎恍是文殊坐下來崖側怒蹲驚象兔柱頭冥契吼
風雷睇烽北峙長為鎮嗤雪冬粧暫已頽射石將軍曾誤虎操孤過
此莫輕猜

題伏羗侯家祠

謝弼翰

古宇上寒暄歸然生氣存國書標武勇臣節礪公孫礮架山前血松
庭月下魂春秋邀祀典不獨在家垣

訪高昌王墓

方毓倫

謁冢大夫歸國後長拋坏土傍空林骨寒無復抒親憤地隔還餘翊
主心歎側殘碑埋蔓草蒼涼逝水發哀吟此來不為封藩貴吾邑當
年被澤深

觀河樓

南濟川

金川寺後萬雲屯百尺樓開佛宇尊北面嵒堯山俯塏西來激灑水
懷村銀濤激磴雷聲隱綠浪穿畦雨意渾多少人家資利澤法王功
德不言恩

轉澗口觀水

南濟楫

鎔雪下崔嵬奔流幾若迴入關雙峽合過澗九渠開重借元冥力還
須鄭國才東菑偏沐澤鼓腹向春臺

金川懷古

漠漠金川下居人盡力耕祇今一峽水何處萬人城野戍征鴻影長
邊牧馬聲王侯原上冢樵牧不分明

後大寺即聖容寺

南濟漢

一綫邊垣達玉關
半渠流水入蕭灣
紅塵不到幽深處
紺宇常浮杳靄間
佛後洞中仍禮佛
山前寺外更觀山
當年勝地時防虜
花木於今總是閒

綠潭冬暮

源頭活水冬無涸
浪靜雲高天漠漠
冰雪重封草樹堤
琉璃一片魚龍幕
鑪烟縹緲寺鐘鳴
日返西巖暮靄生
萬里長沙湘上棹
蒼茫不盡此時情

雲莊古松

但得秦封意年光勿瑣談
高寒惟抱節深翠早為嵐
閱世何多變空

永昌縣志

卷八

藝文

十八

山總未諳丹樓藏秘笈
常把與君參

是編始於嘉慶癸酉之十月
閱歲蒙訖命子崇書之遂付剞劂
乙亥臘初竣事其悉心採攷則五載於茲矣
後之作者庶有所因焉

濟漢跋

續編

重修文廟記

南濟漢

文廟肇始於有明永樂初以次撥作逮成化游就完整志記綦詳近自乾隆己未從事後閭或治之補苴焉已歷今八十餘載大成崇聖殿猶為凝固其廡宇門坊之屬壞不可支尊經閣則隆慶五年葺理已來無復及之者景象可想見也爾迺四垣洞達致非族恣其出入豈所以藩衛聖域乎哉方之道鞠彌增浩歎於是約同志修之計費所自如如豫為儲者先是乾隆甲辰邑令李公登瀛倡於城東門外迤北而西隙地種楊曰此易殖他日可資公用紳士謝弼翰方毓倫南濟漢允肩其任故已長成矣又雲川書院園中多榆半將朽除選

永昌縣志

續編

一

材備楹桷外餘悉易之為鳩庀之需不足未嘗持鉢向人而臨時自致之殆有不可知者乎至輓運土木車馬供自里閭固其所願也工興於嘉慶二十二年丁丑四月由外而內自夏徂秋毋遽毋率惟樸惟堅閱五稔而後歲事其司會計兼監督者王國賓張麟瑞張誠明王瑞初終協理則有朱向陽張淑倫楊發榮若張子昌魏伯麟董可舉亦嘗効奔走例得與書道光元年辛巳秋七月丙申中泠記

重修文昌宮記

南濟漢

文昌宮建自有明因時葺之賴以無傾今剝甚矣又未安者殿之東西側各有竇察其在東者結構偏前掩殿壁之弱半其大門左偏亦如之非所以肅廟貌而安神居也嘉慶辛未修魁星樓議曾及而不

果為越下丑從事文廟尚未竣報移其工於茲何也凡人之情當近其地而習見之則怍然有動於中及其離焉以去置不復念邈若山河之隔以千萬里者矣即於戊寅五月撤其蔽易其朽飾其陋閱八旬而成殿以內嚴密而光輝外則端莊中正庶無忝於祀典哉既志其顛末而復綴數語以告後進之瞻謁於斯者其詞曰瓊樓玉闕高幾許層階階以上士盡能升學固弗可已也而非惟此之堪憑惟天陰陽帝訓明徵悖之則遞減修之則遞增培心田而允殖佇雲路以高登据今攷古信乎有徵是工經修者王國寶張麟瑞王瑞也若張子昌魏伯麟張慶颺與有微勞焉嘉慶二十三年十月中浣記

興文社記

南濟漢

文之興也由於學學者枕經胙史擷實銜華以植其本夫然後奮翼南圖於以扶搖直上此足乎已無待於外者也惟是鄉會途遙深潛之儒徃徃嗇於資而終身不獲一徃亦殊可念邇來郡邑多立文社雖行李未能盡供庶幾得所助焉我永之建此社歷三科矣其捐貲所入以次生發除已費現存本息錢壹千貳百緡呈縣立案交各典商按月加利一分永遠營運歲底清其利老成紳士經理之每值科分給外務量為節省俾其積之以漸久而益蕃如是則亦所謂可大可久者耶選貢京考給如會試例至於他端斷毋假易從來獎實之生起於一時之姑且不可以不慎也繼自今棧樸菁莪日新月異凡我同人與有榮施焉而并以望夫多士之亟自勵者道光元年辛巳

十月己亥朔記

永昌縣志

續編

三

重修城北魁星閣關帝廟記

南濟漢

邑城北迤東高阜之上建有魁星閣關帝廟始自張公良著星居也神宅也亦書屋也適基址折裂住持先行禪師議修之以閣響南殿響西迤於離位豎坊為龍門一道通行丕應文明之象體裁允合規模甫具而禪師觀化以去其徒覺潭與鄉諸君子協力舉工既竣余病久無玉漿之興及門以椅代輿昇之而上則見夫雪嶺橫郭外其氣渾浩其光晶瑩縹緲掩映於殿閣之間視前迤異意者人材之生有時而盛此其兆乎未可知也其地前後左右山拱水朝樓閣環抱遊人多集於此拈韻揮毫以適其情之所至往往臨流浴硯攜月銜杯樂哉遊乎吾謂此學地非遊地也學主靜東坡詩云無事此靜坐

永昌縣志

續編

四

一日勝兩日若過七十年便是百四十最得主靜之妙此地高而狹整而嚴有人肄習其中則非所好者掉臂不顧由是窮極幽微問津闕洛久之私去理存以其秉彝還諸天地可以仰斗首而無慚對麟經而不懼其於為人庶幾乎或曰科目有關於顯揚是不可廢曰昔王陽明先生教授遍海內專講心性之學而鄉會兩元俱出其門下若此者豈有分途哉昔吾黃鸞山師曾學其中博通經史正直端方蔚成名儒此其概也我先大人中年亦嘗作面壁想居經半載而逝志未能遂竊嘗窺張氏創建之初心未必不及此故揭出之余曩寓關中與三原周勉齋交慕善所讀書皆其所讀非其言不言非其行不行跬步與偕有受益處且戒之曰見恠流俗勿恤也往來兩年餘

竟以不投時好去余亦遂歸今殖荒既耄弗克研討於茲率作鞭影
以為後生勸謹記

永昌縣志

續編

五

王國賓字觀卿庠生為人篤實端方事繼孀母極善母性乖婦孺稍不當其意輒怒及國賓國賓俛首靜聽俟其聲息然後敢退至有萬不可堪者亦甘受之從未告人母年九十性如故國賓六十餘事之亦如故也臨終猶囑子姪勤奉其母云

李向榮自幼於親無忤色父協彰家貧從人經紀性瀟灑四十而罷
子向榮甫二十業商以贍其家甘旨則奉親已與眾嘍粗糲其父好
策蹇見所愛輒易置歲糜多金向榮託相知為備其父携取而已值
永日佳時邀數鄉老與遊於山水之間處幼弟最善又承命憐恤族
戚之極苦者其亦可謂養志耶庶人之孝有比足以風矣

魏氏張發明妻年二十一生子縉越數月夫故一慟幾絕比殮訖顏色甚慘而無哭聲姑見其舉動有異偵之則以菜刀自隨苦諭之曰爾為夫死獨不為我與呱呱者計耶氏乃悟仰事俯育備盡厥心縉甫登庠而氏歿年五十歲

